



«Театрданулла на лахъгу, бусравгу бувсса»

● Ва зурул 24-ний Дагъусттаннал халкъуннал артистка Буттаева Райханат Абдуссаламлул душнин хъанай дур 90 шин.

10
лаж.



№31
(2249)

16 АВГУСТ 2024 ш.

РЕСПУБЛИКАЛУЛ ЖЯМАТИЙССА ВА СИЯСИЙССА ККАЗИТ

Кказит буклай бивкIсса 1917 ш.
Цунил итабаклан бивкIсса 1991ш.

Дяъвилул ишру най бивкIсса кIанттурдайнсса пресс-тур



Лахъазан дуручлай бивкIминнан хас бувсса муруцу

1999-ку шинал август-сентябрь зурдардий Дагъусттаннал аьршарайн ххяххсса къачагътал ххит бувну гъашину 25 шин хъанай дур. Вай иширттан хас дурсса мероприяттирттал лагрулий Дагъусттаннал Информациалул ва печатьрал агентствалул сакин дунни дяъвилул ишру най бивкIсса кIанттурдайнсса пресс-тур.

Журналистътурашал хъунабакьин овькунни ополцентураингу. Жул цалчинсса аьрххи Цуссалакрал райондалийсса ТIюхчардал шяравун багъунни. ДаКнин бутан, сентябрь зурул 5-ний ТIюхчардал шяраваллил зумахъирагърай аьс увсар виваллил аьралуннал 22-мур бригадалувасса ряха аьраличу: Василий Ташкин, Алексей Липатов, Алексей Полагаев, Борис Эрднеев, Владимир Кауфман, Алексей Паранин. Вай аьшун бивзсса кIанттай дацIан дурсса кIирагу гъайкалдануцI журналистурал тIутIив дирхъунни.

→ Ахир. 3 лаж.



22 -мур бригадалул аьралитурансса гъайкал



«Хъуннав ванияту дин-ислам цIакъ дуллалисса кIюру»

ЧIяйннал шяраву цIусса мизит тIивтIунни



5 лаж.

Баян

«Илчи» кказитрал хъиривмур номер буккантисса
1-августрал 30-ний.

Премьер-министрнал тапшур бунни школарду хIадур бунан августрал 19-ннийнин

Августрал 12-нний ДР-лул ХIукуматрал председатель Абдулмуслим Абдулмуслимовлул каялувшиврулу хIусса батIаврий ххал бивгунни Цасса паччахIлугьрал экзамен дулаврил ва школарду цIусса дуккавил шинайн хIадур баврил масьалартту.



Премьер-министрнал видеоконференциялул низамрай вичIи дирхьуна Дагъусттаннал КIулшиву дулаврил ва элмулул министр ЯхIия Бучаевлул, ДР-лул Роспотребнадзорданул управлениялул каялувчи Залимхан Омариевлул ва цаппара муниципалитетирттал бакIчитурал ихтилатирттах.

БатIаврий гьуртту хьуна Аьрасатнал Виричу Тамирлан АбуТалимов.

Шикку бакIрай ххал дирхьуна ПаччахIлугьрал экзамену дулаврил хIасиллу. Абдулмуслимовлул тIимунийну, ГИА (государственная итоговая аттестация) сакин давуртту лагрулу тамансса давуртту дурну диркIессар. Мукумасса давуртту дуван тIий дур ялун нанимур дуккавил шиналу.

– Лавайсса баллу лавьсса выпускниктал ялу-ялун гьарза хьанай бур. Гьашину 100 балл лавсми бия 49, 90 ва ххисаласса баллу лавсми – 700-ннаха ливчусса, – куна Абдулмуслим Абдулмуслимовлул. Дагъусттаннал премьер-министрнал тIимунийну, гьашину Республикалул каялувчинал сипталайну 100 азарда кьуруш премиялул ккаккан дурну дур 2 ва ххисаласса экзаменнай 95-нния 99 балл лавсминнан.

МуницIунма, премьер-министрнал бусаврийну, циняв муниципалитетирттай бувчIлай бакьар ва масьалалул агьамшиву, муния буслай бур экзамену дулалалиминнал давуртту дукьан дурну душиврулу (аннулировать) ва административ жаваблувшиврийн кIункIу баврил. Ванал бусуна мукумсса ишру бикIан кьабучIишиву экзамендалул чулухунмай, райондалул бакIчитурайн тапшур бунна гьалатIирттал ялув даву дуван ва ЕГЭ-лул хIасилнал анализ дуван. Абдулмуслим Абдулмуслимовлул бусаврийну, гьашину 9-11-ми классру кьуртал булалалиминнал аьад дур 59 азара.

ЦIусса дуккавил шинайн хIадур шаврил хIакьираву премьер-министрнал тапшур

бувна циняв школарду хIадур бунан августрал 19-ннийнин.

Муниципалитетирттал бакIчитурайн тапшур бунна шаллу дуван террорданул ва цIу лачIаврил иширттаясса мюхчаншиву.

ГИА-лул хIасилнал хIакьираву махь лавхьуна ЯхIия Бучаевлул. Ванал тIимунийну, Дагъусттаннай циняв экзамену дулуну дур цасса расписаниялий ккаккан дурсса чIумал. Министрнал бусуна Дагъусттаннал школардай ишла буллан тIий бушиву Москавулал электрон школарул кунмасса электрон дневникру. Программа зий дур республикалул циняв школардай.

Школарду цIусса дуккавил шинайн хIадур шаврил хIакьираву ЯхIия Бучаевлул бусуна цIанасса ппурттуву Дагъусттаннай дуккавил шинайн хIадурну бушиву сайки 75 % объектирдал.

ХIакьинусса кьини цIусса дуккавил шинайн 880 оьрчIал багьирдаву хIадурну бур 625, 1404 школардава – 1002, 69 колледжрава – 55.

2024 шинал капремонт дурну дур 10 школалий, мукумна хIадур буллаи бур тIитIин 21 школа, 1 оьрчIал багь.

Залимхан Омариевлул бусуна школардай ва оьрчIал садикирттай дукиялул иширттах цукунсса ялув бацIаву, кьулагьас дуллаи буссарив. Ванал ихтилат бия дукиялул продукты дучIан дайминнашал цукун зий буссарив. Ванал бусуна вайннал давурттавусса диялдакьашивурттаягу.

МахIачкьалаллал бакIчи Юсуп Умавовлул бусуна сентябрьданул 1-нний тIитIлай бушиву 250 кIану бусса блок-пристройка – 22-мур лицейрачIа, 500 кIану бусса блок-пристройка – 39-мур лицейрачIа, блок-пристройка – 27-мур школаручIа, 129 кIану бусса ца оьрчIал багь.

Каспийскалал бакIчи Борис Гонцовлул бусаврийну, дуллаи бур школарду гьили баврил системалул ремонт. Бакьин буллаи бур Кизилюртовская кучалийсса школа. Ванал гьартану бусуна цукунсса давуртту дуллаи буссарив школардай.

Республикалул школарду цIусса шинайн хIадур баврил хIакьираву бусун цаппара муниципалитетирттал каялувчитуралу.

БатIаврилахирданий премьер-министрнал КIулшиву дулаврил ва элмулул министрствалийн ва вице-премьер Муслим Телякавовлийн тапшур бунна гьарца кьини ххал дигьлан школарду сентябрьданул 1-ннийнин хIадур баврил давуртту.

ХIадур буссар XI. АЬДИЛОВЛУЛ

Августрал 10-нний Дагъусттаннал хьуншагьрулий дунни Шаглагу Аьрасатнал Физкультурникнал кьинилун хас дурсса «Цуллусса нация» тIисса Спортрал фестивал. Мероприятиялул сакиншинначиталну бия МахIачкьалаллал администрация ва ДР-лул Физкультуралул ва спортрал министерство.

МахIачкьалаллив дунни Физкультурникнал кьини



Спортрал фестивал тIитIаврий гьуртту хьуна ДР-лул спортрал министрнал хьиривчу, Олимпий тIуркIурдал чем-

пион ХIайдарбаг ХIайдарбагов, МахIачкьалаллал шагьрулул ДепутатIурал собраниялул председатель Марис Илиясов ва цай-

мигу.

Марис Илиясовлул бавтIиминнахь барча дурна Физкультурникнал кьини МахIачкьалаллал мэр Юсуп Умавовлул цIанияту.

Фестиваль дайдирихьуна шагьрулул пляжрай кIюрххил дайсса зарядкалия, кьуртал хьуна хьунмур майданнив.

Зарядка дурна бавтIиминнашал архIал ММА-лул ию (боец) Мансур Малачиевлул. Муния махь байбивхьуна спортрал тIуркIурду: пляжрал волейбол, ка дишаву (армрестлинг), гьузузаву, гребной спорт, виндсерфинг, тIанкI учаву, пляжрал футбол ва цаймигу. ТIуркIурдавух хIала бувхьуна шагьрулул ялапарлулвал ва хьуншагьрулул хьамал.

Вара кьини дурна мухIулттай лачIун буккаву (борьба на поясах). Укумсса журулул лачIун буккавил сиптачи ва сакиншинначи хьуна ДР-лул МухIулттай лачIун буккавил федерация. Бьст-ччаллаву гьуртту хьуна СКФО-лул республикарттал вакилтал.

МаркIачIан чIумал шадлугьру лахьи лагуна Дагъусттаннал хьунмур майданнив.

XI. АЬДИЛОВ

«Инсан» фондрал Курскалал областьран кумаг биян бунни

Вай гьантрай «Инсан» фондрал вакилтал гендиректор МахIаммадрасул МахIаммадовлул гуманитар кумаг биян бунан лагунни Курскалал областьрайн.

– Жу хIачIайсса шин ва дукья диян дуварду Новосотницкий, Бердын ва Розгребли тIисса шьараваллаву. Тикку яхьанахьисса инсанталгу нигьачIин дакьасса кIанайн бизан бунан маслихIат буллаи буру, шаймур буллаи буру, – тIий ур М. МахIаммадов. Ванал бусуна агьалинан цамур кIанайн бизаврицIун бавхIусса ва цай-

мигу журулул кумаг буллаи бушиву. Дагъусттаннаясса кумаг, дукумур-хIачIанмур диян дурну дур Курскалал Аграруниверситетравун (КГАУ), Халкьуннал фронтрал складирттайн, тиччагу лихьачалтрал чIумуйнусса ликказан дурсса пунктирдайн. Тайннал университетрал ректор Александр Мусьал барчаллагь увкуна Да-

гъусттаннал агьалинахь чIарав бацIаврихлу. Курскалал областьрай украиннал ярагьуннил далгусса кьукьри гьужумрай дурксса кьинива Дагъусттаннал Муфтиятрал баян бунна ка-кумагрансса сбор баян булаллишиву ва кIюрххил чаклийн мизитирттаву оьвтIий бушиву, Курскалал областьрайгу, шалва Аьрасатнавулу чьясса мутталай дакьаву хьуннав тIисса дуарду цачIу дуллан.

Патимат РАМАЗАНОВА

КIулну бикIан


Дагъусттаннай июльданий ва августрай муштаритурал дукиялухсса багьри

Дагестанстат идаралул ккаккирттайн чул бившуну

ТтаркI хIаласса оьлил дикI	540-600 кь.
ТтаркI дакьасса оьлил дикI	690- 850 кь.
Яттил дикI	730- 800кь.
АьнакIул дикI	240- 270 кь.
Индюшкалул дикI	440-450 кь.
Оьлил ттиликI	265- 285 кь
ХIурусса дикI	520- 570 кь.
Ккурккимай	500-570 кь.
Чавахь сагьсса	
ва микIлачIун бусса	315-350 кь.
ЯтIул чавахьрал улухь (икра)	7300-7700 кь.
Оьлил нагь (лагаву)	940- 1000 кь.
Хьяххиялул агьгушиву	136-158 кь.
Маргарин	215- 238 кь.
НакI	100-123 кь.
Барт	325-360 кь.
Тарт накI	124-142 кь.
КIанттул нис	498- 710 кь.
Ккунукру(10 ккунук)	111-125 кь
Качар, хIувусса писукI	80-82 кь
Сукул ччатI	77-87 кь.
ЛачIал ччатI	68- 75 кь.

Ппиринж	121-120 кь.
Манналул курпа	64 -74 кь.
Хьувухьу	69-76 кь.
Хьюрув ва шагьнал хьюрув	108-124 кь.
Гречка	90-102 кь.
Нехьлул курпа	72-92 кь
Нувши	47-52 кь.
Калан	42-47 кь.
ЯтIул чимус	37 - 47 кь.
ЧикIунтIа	59- 64 кь.
Кьур	58- 65 кь.
Лаччи	284-330 кь.
Нисварти цIусса	75-81 кь.
Помидор цIусса	106-114 кь.
Гьивч	128-142 кь.
Хьюрт	236-245 кь.
Пуртихал	148-165 кь.
КьюмайтIутIи	246-351 кь.
Лимон	183-190 кь.
Бананну	154-161 кь.
Гьивхь	777-900 кь.

ХIадур буссар XI. АЬДИЛОВЛУЛ



Цуссалакрал райондалия

Дяъвилул ишру най бивкІсса кІанттурдайнсса пресс-тур



Шамил Алхулаев

→ Дайдихъу 1 лаж.

Тай ишру дакІнин бивчунатополцентурал кьукьраву бивкІсса Шамил Алхулаевлул ва Амир ГьалбацІовлул.

Та чІумал, цанна хьуннасса нигьачІаву дуна, Шамиллул лавитун бивкІссар цала кьатрал лувчІиннив обруснал аьралитал ва жула милицанал зузалт. Яннагу даххана дан увну, хІухчу куна ризкбилушач ачин увну, ххассал увссар обруснал фельдшер.

Шичча жу лавгру обруснал саллатІ кІучІ увну ивкІсса АьтІикат Табиевал кьатри ккаккан.

Хьиривсса жул аьрххи бия Цуссалакрал шярвун. 1999-ку шинал сентябрь зуруй кьачагьтурайн данди бавцІуну жанну дуллусса виваллил иширттал органнал зузалтран шярваллил майданнив дацІан дурсса гьайкалгу ххал дурну, жу бивкІру кьизгьинсса талатавуртту най диркІсса «Телевышка» лахъазанттуйн. Шикку дацІан дурну дур тай талатавурттаву жанну дуллуминнал аьпа абад бувсса



Лахъазанттуисса гьайкал



Лахъазанттуисса Аьралий савлугьрал музей

гьайкал. ДакІнин бутан, лахъазан дуручлай, кьучагьшиврий жанну дуллусса Халид Мурачуевлул ва Мутай Исыевлун дуллуссар Аьрасатнал Вирттаврал цІарду. Пост бивкІсса кІанттурдай тІивтІуну бур Аьралуннал савлугьрал музей. Шикку бур Цуссалакрал аьршарай боевиктурайн данди бавцІуну жанну дуллусса вирттаврэн хас бувсса мушчу. Чун-чІумуй музейраву хьуни классирттал

обрчІахъ дишай Кьучагьшиврул дарсру. Лахъазантул цІаний най диркІсса талатавурттая бувсуна райондалул контрольно-счетная комиссиялул председатель Гайирбек Мусаевлул.

Хьунмасса барчаллагь дяъвилул ишру най бивкІсса кІанттурдайн жушач архІал бувкІсса Гайирбек Мусаевлуйн, райондалул администрациялул вакил Марат Хановлуйн, ТІюхчардал шярвал-



АьтІикат Табиевал кьатри



лил бакІчи Башир Алхулаевлуйн, райондалул Шярваллил хозьяйствалул управлени-

ялул зузала НурмахІаммад НурмахІаммадовлуйн.

Анриана АЬДУЛЛАЕВА

Аьралитуран ва вайннал кулпатирттан кумаг бунни

Ванил даву дайдируна Дагьусттаннал лайкь хьусса хІакин МахІаммад Загьидов лахъа-хьун аврийну. Штабрал чулуха ванан буллауна Барчаллагьрал чагьбар.

КІицІ лавгсса проектрал лагрулий хІакинтурал ва цаймигу пишакартурал дуллалисса даврия жу хьхьичІвагу бувссьсия.

Ва проектрал сиптачи хьанай бур Москваливсса Лазерный хирургиялул клиникалул хьунмур хІакин, невролог, Профессионал остеопатьтурал медициналул ассоциациялул член Тутубава Кьурбановна Башанаева. Москвалия бувкІун, цила отпускалул гьантри ванил гьан бувна хасьсса аьралий операциялул гьурттучитуран, аьралий иширттал ветерантуран ва миннал кулпатирттан укьва реабилитациялул кумаг буллау. ХІакиннал дуллалимунил чІарав бавцІуна Аьралий элмурдал академик Арсен Буйдалаевичлул каялувшиннаралусса Москвауллал культуралул центр «Дагьусттан».

Тутубава Башанаевал Лучевой диагностикалул центрданул

Вай гьантрай МахІачкьалалив, «Единая Россия» партиялул гьурттучитурал ва вайннал кулпатирттал реабилитациялул социал проектрал хІасиллу дуллалисса ккуркки стол.



хьунмур хІакин Аьйшат Кьараевашал (ванил клиникалийри пациентьтал кьамул буллау бивкІсса) ва клиникалул зу-

залт: психолог Калинина Александрашал, функционал диагностикалул хІакин Жаннат Одамановашал, проектрал дав-

риву гьуртту хьусса кардиолог Патіма ХІамидовашач медициналул ва диагностикалул кумаг бувна ххюцІалуннийн бивсса кІицІ лавгсса категориялул инсантуран.

Даврил хІасиллу дуллалисса ккуркки столданий гьуртту хьуна Жяматийсса штабрал вакил Заур Амираьлиев, Дагьусттаннал Халкьуннал Мажлисрал депутат, шагьрулул 1-мур азарханалул хьунама хІакин ХІажимурад Малаев, проектрал куратор, СВО-лий цалчин Аьрасатнал Виричунал цІа ларсьсса НурмахІаммад ХІажимахІаммадовлул нину Сапижат Мазаева, Дагьусттаннал Жяматийсса палаталучІасса Жагьилтурал советрал председателна хьиривмур Саида Абакарова, хасьсса аьралий операциялул гьурттучи, паччахІлугьрал чІярусса наградтгал заллу Динислам Кьарагишиев.

КІицІ лаган, Тутубава Кьурбановнал Москваливра дайдируна ва ххаллилсса даврил чІарав ххуйну бавцІуна ज्याма-

тисса ишккакулт, Медициналул зузалтрал ассоциациялул каялувчи, «Дагестан» МЦК-лул президиумрал член Гулизар Башанаева, «Дагестан» МЦК-лул президиумрал член СалихІат Валиева ва «Дараччи» фондрал Москваливсса филиалданул каялувчи Мариян Кьаландарова. Вайннал хІарачатрайну ва СМИ-дайхчин нанисса акциялия чьяни баян бан ва кумаг бан бювхьуна кІицІ ларгсса категориялул чІярусса инсантурайн.

– Так ца нава бувну бур укьва 640 азарда кьурушран бацІлацІисса неврологнал ва остеопатнал кумаг. ДакІниву ххаришиву дур ва даву дузрайн дуккан дан бювхьуну тІий. Барчаллагьрай бура ккуркки столданул даврин кабакуь бувсса Жяматийсса штабрал каялувчитурайн ва зузалтрайн, цинявпагу гьуртту хьуминнайн, – тІий бур Тутубава Башанаева.

Штабрал чулуха ва кьини хІакинтуран буллауна Барчаллагьрал чагьбарду.

Анриана АЬДУЛЛАЕВА

Август зурул 10-нний, Чяй-аннал шяраву, чявусса хьамалгу бавтун, лахьа-хьунсса даражалый тивтунни цусса мизит. Къабайкъинссара, утгинин лакку билаятрай дурсса мероприятирттава ва дакний личансса ишну хьунни учирчангу. Аргь дирзун дия Чяйаннал шяраваллий, хлат-хлисав дакъая шадлугьрайн бувксса инсантурал. Дазу-зума дакъасса ххаришиву ялун дирну бия жямат, хаснува шарнил жагьилтал. Республикалул районная бувксса диндалул вакилтал ва хьамал бия «Цикссагу ккавказсар цуну бувсса мизитру, амма укун капливун бавтун, аьнтГиклану ва исвагину бувсса къаккавказсар» тий.

Мизитрал чарав бия аьркин дайсса техникалул дузалса къатта, чяй дан, дукра дукан личи бувсса къатта, игьалаган, хьхьу дутансса къатта. Вара куцуйсса шартру дузал дурну дия тазиятрал къатравугу. Шикку бия бивкгу хьуний аьркин шайсса шартру дусса къатта-къуш ва арагтал шябиклансса къатталалу.

Мукьрахьул шиннардил хьхьичи бивзун бия ва мизитрал гьану. Мизитрал имамну ия шяраву ххишала акъа бусравсса, куртину элму килсса, Дагустаннал Муфтиятрал баян бувсса Кьуран буккавил конкурситтай кийлава цалчинмур клану бувгьусса Исмяил-хажь. Ванал увкуна мизитраву цалчинсса азангу.

Шиккува кийи лаган, Исмяил-хажь, цала оьрмулул шиннарди хьаурувгун, шяравусса бивкрудал эбадатру бакИрайн ларсун ия. Ва буниялагу марцисса дин-иман дусса, дакнийхтуну Аллагнайн вихсса инсан ия. Диндалул ххулийсса давурттан оьрму хас бувсса Исмяил-хажьинан мизит баврин цала чулуха бувсса хьунмасса кумаграягума кийи лавгун ччай бакъая.

Мизит тивтавил мажлисрай, Заннайну лаивзун, цалчин дуаь дурна Багхьал Аьвдуллагьлул ва Зинатлул арс Чупаннул. Мизит буллан пикри хьусса чумал Чупаннул ниттил, Зинатлул, хьинну ххаригу хьуну, дуаь дуллай, увкуну бия: «Тайлабацуну баннав вин, ттул арс, Аллагнал кабакьиннав вицунгу, вил лагма лавминнацунгу», - куну.


Чупаннул буниялагу лайкь дурну дия халкьуннал чулухасса бусравшиву. Мугу, ванал лагма ца кулпат кунма лавгсса, чарав бавцусса жяматрал кабакьаврийну. Мизит баврил даву дузрайн дукканца гьарца шаттирал ялув ацлаву дуллай ивкун ия цувагу.

– Хьунасса Аллагнал жунна кашь-кьудрат дулунни шяраву ххаллилсса мизит тивтинсса. Хакьину на мукру хьура жула жямат, иш багьсса чумал, куннацух кув бувккун, чарав бацан хладурну бушиву. Утти, ва жула шяраву бувсса мизит ххаралун бувсса кунма къачаланшиврул, тгун ччива вания дин-ислам утгара дуккан дуллаллисса, халкьуннаву исламрал гьану цакь буллаллисса кюру хьуну. Му бакъассагу, шиву исламрал дарсру дихьлай, Кьуран лахьхьин буллай, ялун нанисса ник тайласса диндалул ххулийх дачин дансса тавпикь дулуннав жухьхьунна. Мизит бавриву я хьхьичун увксса, я махьун агьсса цуцлав актассар. Ва жула жямат цачун хьуну дурсса давур. Мизит баврил мурадгу жямат цачун бавур. Яла-яла ххарину ура имамну, аькьулудул, духиндарал увччусса, аькьилсса Исмяил-хажь итария, – увкуна

Ккуллал райондалия

«Хьуннав ванияту дин-ислам цлакь дуллаллисса кюру»

Чяйаннал шяраву цусса мизит тивтунни



Чупан Баговлул.

Ккуллал райондалул имам Махьаммад-Маннар Бариевлул кийи лавгуна, махьсса ппуртгугувайксса махлукуят цачун хьусса мажлис къаккакшиву. Ванилгу тасттикь буллаллишиву жяматрал цачуншиву, нахлу-халимшиву, бакъаву.

Диндалул насихлатру бувна Лакрал райондалул имам Мухьаммад Майрановлул.

– Мизит буллай байбивхьуния шийнмай гьарца ишираву, маслихат буллай бивкссар шарнил жагьилтал Дагустаннал Хьунисриннал советрал ва «Илчи» ккзитрал редколлегиялул член Шалласу Шалласуевлул. Гьай-гьай, оьрму ккавказса, жяматрай дак цуцлисса инсаннал маслихатру шикку хьинну бучи лавкьунни, – увкуна ванал.

– Ххирасса уссурвал, ссурвал! Хакьину жува хьунабакьлай буру Аллагнал къатта тивтлатгисса ххаллилсса мажлисрай. Мизит тивтавил барачат бияннав Аллагнал хьхьичи нятту дурну ва къатлул гьану бивминнай, канийну, жиплийну, мукьуйну, ххуйсса

дуаьлийну дуллаллисса даврицун кабакькуминнай, барачат бияннав циньявпагу шиккун бивкминнай, мизит тивтлай ххари хьуминнай. Вания тихунмай мизитрал чарах увкун гьансса инсан жула авладиря къаукканнав. Шикку аьлитурал бувсса хьин-хьинсса ихтилатру жагьилтурал вив ласунсар тий ура. Дакнийхтуну ххарину ура цалчинмур махь булавурия жула диндалул элму куртину кулсса аьлимчу Исмяил-хажьинахьхьун. Циньяннан кулссар вай махьсса 55 шинал лажиндарай, угьара хьуну ура къаувкуну, клу къабивзун, ванал лахьлай ушиву, шагьурдайсса биклу, шяравусса биклу, бивкIурду. Бюхтгусса Заннайн лабизлай буру Чяйаннал шанбачулий тивтгусса мизитрал барачат жяматрайн бияннав, тIутлай бичиннав Лакку билаят! » тий – увкуна Шалласу Шалласуевлул. Мажлисрайсса ихтилатирттаву Шалласу Рамазановичлул цимилгу барчалагь увкуна шяраваллил жагьилтурахь.

К-кумаг бувминнал царду ма-чучару тий, миннатру буллай бия. Амма къабовхьунни цаппара инсантал кийи къалавгун битан.

Чяйаннал жямат барчалагьрай бия Хажь ва Патима Аьбдурахмановхьал кулпатрайн, жагьилтурал буллай байбивхьусса тазиятрал къатта кьуртал бан бакИрайн лавсун тий.

Мукунма барчалагьрай бия НухI ва Халун-Качар Пидуриевхьал аьсурваврайн Шамиллуин ва Мухтардуин, жяматрал сакин бувсса фондрал хьунама Арсен Ибрагьимовлуин, бакИрая ччаннай мизит баннин ялув ацлаву дуллай ивкисса Чупан Баговлуин.

Шяраву мажлис нанисса Шкирагу кьини оьрчан яла ххирамур шадлугь – аниматортал бувцуну увкун ия Загьидинал ва Бадуржигьаннул арс, МахIачкъалалал аэропортрал гендиректор Саэд Рамазанов. Оьрчансса байрандалий дурна личи-личисса конкурсу. Шикку ванал ххув хьусса оьрчайх бахшишу дарчуна.

Ва байрандалий гьурттушинна дурна Саэдлул ниттил Бадуржигьаннулу. Ва циньяннан кулссар хасьсса аьральной операциялул гьурттучитуран чялишну кумаг буллаллисса инсан бушиву.

Шадлугьрай бия оьрчансса бьст-ччаллу: дучри ххяххан баву, футбол, волейбол, чIатIаракI ритаву.

Мизит тивтуну, дуаьрду, чакру буну махь, жямат бавтуна шяраваллийн багьлагьисса агьамсса масъалартту ххал бигьин.

Шикку, бугьарасса инсантурал маслихат буну, жяматрай къадагьа дирхьуна 3-ку хьхьунийну бивкгу кьуртал буллан, цадакъа къабуллан. Маслихатру бун буттал шяраву бивкгу буччаврил хакьиравуру.

Имара САИДОВА



Чупан Багов



Махьаммад-Маннар Бариев



Мухьаммад Майранов



Шалласу Шалласуев



Махьаммад Оьмаров

Цяъурдал «Нур» кказитрал редакциялий журналистырашала хьунаавкъунни 1999 шинал Дагъусттаннай хьархсса бандитурал кьокьрашал хьусса дьавилул иширттал гьурттучи, отставкалийсса полковник Тажуттин Хажиев.

Пресс-конференция

Дагъусттаннай 1999 шинал хьусса дьявилул иширттал гьурттучинащалсса хьунабакъаврий



Ва увсар Рутуллал райондалийсса Жиних шяраву, бувккуссар Дагъусттаннал медицинститут, ординатура, аспирантура, хьуссар медициналул элмурдал кандидат. Тамансса халлай зий ивкиссар МВД-лул санчастьрал хьунаману.

Ванал биографиялуву ца агьамсса клану бугьлай бур 90-ку шиннардий аьралуннал хакинну зузисса чумал (1994, 1996, 1999 шиннардий) Дагъусттаннал Первомайский ва Къарамашиял шяраваллаву хьусса дьявилул иширттаву гьуртту шаврил.

Тажуттин Хажиевлул тимунину, 1999 шинал бандитту-

рал кьокьри Дагъусттаннай хьархсса чумал, МВД-лул санчастьрал медициналул зузатрайн тапшур бувну бикиссар чьясса мутталай биян дьявилул ишру хьанахьисса кланттурдайн. Та чумал полковник Хажиев ивтун ивкиссар Къарамашиял зоналийсса госпитальданул хьунаману.

Журналистытурал суаллахьун жавабру дулла, ванал гьартану бувсуна 25 шинал хьхичи хьусса иширттал чумал медициналул зузатрал цукун хьасал булла ивкиссарив жула аьралитал.

Хасан АБДИЛОВ

Лакрал райондали

Ттурчиял шяравалу ядаву мурадрай



Уттигьанну Ттурчиял жяматрал делегация бувкунни Лакрал райондалиин. Бусравсса хьамал кьамулгу бувну, вайнал дакИниймургу лавасунни Лакрал райондалул бакИчи Юсуп Махаммадовул. Хьунабакъаврил мурад бия 1944-ку шинал Лакрал ва Ккуллал районнайсса цаймигу шяраваллаву жямат бизан бувсса Ттурчиял шяравалу Дагъусттаннал культуралул ирси-рал объектирдаву дагьан даву.

Ттурчиял жяматрал вакилтурал тавакьу бувна райондалул бакИчинахь ва масьалалун кабакьу бан. Юсуп Махаммадовул хьинчулий кьавккуна вайнал сипта ва райондалул администрациялул чулуха чирчуна хьасса обращение Дагъусттаннал культуралул ирс ябаврил агентствалийн. Чагьарданий кИш лавгуна Ттурчиял шяраваллил тарих аьвал заманна шихунмай нанисса бушиву. Мунин барашинна дулла бур 20-мур ттуршукулул дайдихулий археологтуран шяраву льякьусса нуклузаманнул ярагьуннил. Цанансса чумал ми Санкт-

Петербурглив Паччахьлуьгьрал Эрмитажраву ябулла бур. Му бакьассагу, хьхичИрасса Ттурчиял хатталлив тарихчи Ильяс Къаяевлул льякьуну бур Гъази-Гьумучиял хантурал калабарзру. Дагъусттаннал тарихрава жунма кИлли Дагъусттаннал халкьуннал Надиршагьлушласса агьаммур талатаву Ттурчияйна-зунтту хушиву ва микку жула халкьуннал душман хит увшиву. Бусаларду бур шикку Надиршагьлул цала хьамала дурсса арцу-муси ладиртшиврия. Миннуйн тамахИрайссаннал Ттурчиял зумахьирагьрайсса кланттурду мудан бихлай бур.

80 шинал лажиндарай леркьсса Ттурчиял шяравалу ва лагма-ялтгусса кланттурду шилчИав ябулла бур. Шикку канаки булла бур ятту-гьаттара, дихлай бур аьрши, занай бур туристтал, шяравалу чапал дулла бур.

Вай гьарзат кИш лавгун бур райондалул бакИчинал агентствалийнсса хьасса обращениелий. Вайкьсса шинну ларгун дунугу, Ттурчиял жямат чьачьяни бийай кьариртсса шяравун. Харачат булла бур киккусса кьатри ядан.

Ттурчиял жяматрал цания Юсуп Хамидовичлуьхь ва мунал хьиривчувтурахь дакИнийхуну барчаллагь тИй ур Зайнул-ла Мирзоев. Жяматрал мукунма барчаллагь увкуна Ибрагим Мирзоевлухь ва пикри дакИнигу бувтун, гихунмай ци зунсарив бувьсса.

Анриана АБДУЛЛАЕВА

Августрал 23-нний 25-ннийн Оьргьрал шяраву хьунтИссар халкьуннал творчестволул шалагу Аьрасатнал лагьулийсса «Кубачи» тИсса фестиваль. Ванил хакьиравусса пресс-конференция хьунни августрал 14-нний «Дагъусттан» РИА-лий. Фестиваль дуллалиссар Оьргьрал художестволул комбинатран 100 шин хьанахьаврин хасну.

Фестивальданий цукунсса ци давуртту диклантИссарив, цанансса чумал ва иширал хьунин ци хадуршинна дулла буссарив бусан бувкун бия ДР-лул туризмалул ва халкьуннал художестволул промыслирдал министрнал хьиривмур Анна Безрукова, «Кубачинский художественный комбинат» ГУП-рал директор Мурад ХажияхИяев, халкьуннал творчестволул шалагу Аьрасатнал «Кубачи» фестивальданул каялувчи Асият Абдуллаева, «Народные художественные промысли Дагестана» ДРОО-лул исполнительный директор Сяид Ниналов.

Фестивальданул сакиншинначи – Дагъусттан Республикалул Туризмалул ва халкьуннал художестволул промыслирдал ми-

Оьргьрал Художестволул комбинатрал 100 шинан хьасьсса фестиваль



нистерство. Уртактал: Дахадевский райондалул администрация, Оьргьрал шяраваллил администрация, «РемесловЪ» тИсса цанилусса художестволул дускуьатта (ш. МахИачькала).

Фестивальданий гьуртту хьунвай гьантрай жулла республикалийн бучИантИий бур Кьалмуьнавасса, Чувашиянавасса, Татарстаннаясса, Астраханнал, Ни-

жегородуллал, Челябинскналлал, Самарскналлал, Краснодарналлал ва Аьрасатнал цаймигу областирдаясса хьамал. Гьуртту хьунтИссар жулла республикалул районнаясса устарталу. Циньявпагу хИсав бувну, фестивальданий цалла карунних дурмур ккаккьялун динин най бур 60-нний ливчусса устартулул.

Фестиваль тИтИлатИсса

шадлуьгьрайсса батIаву хьунтИссар августрал 23-нний Оьргьрал художестволул комбинатрачIа. Аьрасатнал устартулул каруннил дурмур ккаккан дуллантИссар 40 чьатирдануву. Хьирив халкьуннал кьавтIавурттал ва балайрдал коллективирттал ккаккан дувантИссар концерт.

Фестиваль нанисса шанмагу гьантлий хьунтИссар личИличИсса шадлуьгу, халкьуннал канил пишардал мастер-классру, творчестволул конкурсу, Оьргьрал художестволул комбинатрал тарихраясса ихтилатру, оьргьрал хьаннил яннул дефиле, тяхьшивуртту, оьргьрал тIуркIурду, хьамаллурансса экскурсиярду ва чIавусса цаймигу ишру.

Ва кьинисса хьамаллул бусаврийн бувну, фестиваль лавайсса даражалий, ванил гьурттучитуран ва хьамаллуран дакИний личИансса кушуйсса

хьуншиврул хIадур хьанай, зий дусса дур хьуннасса команда. Ва ишираву республикалул каялувшиндарал чулухагу багьайсса кумаг бусса бур.

КомбинатрачIа тИтИин най бур цусса музейгу, ванийну жулла республикалий ца музей хьисшала хьун най бур. Шиву ккаккан бувну ва бувсун биклантИссар комбинатрал гьану бизлай бивкИминная, шикку ттуршра шинал мутталай хьанай бивкИмунная, комбинатрал тарих чичлай бивкИминная.

Пресс-конференциялий ялагу хьуна Оьргьрал художестволул комбинатрал кьатрал ремонтрайн багьайсса, комбинат цу буккан баврийн, хьхичИрасса хьинисса аьдатругу дурурчуну, ва льяличИсса касмулуха зузиминнан муонпатрансса цуми ххуллурдугу льякьуну, хьхичИунмай бачаврийн багьайсса гьарта-гьарзасса ихтилатру.

Бадрижамал АБЛИЕВА

Лакрал райондалия

Буттал шяравун гъилисса асардащал

Ларгсса ххуллункьини Шардал дунни Шяраваллил кьини.

Пухьлуннал аьдат-эбадату лайкьну дуручлалчисса, ляхьну мина ххирасса агьлу бушиву цимилгу тасттикь бунни Шардал жяматрал. Уттигъанну-гу шарнил жагьилтурал, арцуйнусса какумаг баву кьахИсавну, шяравун шин дуцлай буллалисса захИмат ккавккун, жу, махИатгал- хИайран бунну.

Буттал кИанттуя архну ялапар хъанакъисса халкъуннал агьаммур мурад, жямат цала мархрая ябуцан кьабитаншиврул, шинай цал-бунугу, цачIун батIаву хъанай бур.

Ва кьинигу «Шара-Арена» цунилгу утгава бувккун бия, кьавтIисса жагьилжугьултрал, тIуркIу тIутIисса оьрчIал тяхъасса чIурдал ларсун най дия шяравалу. Балайрду учин, тяхъашиву дуван мажлисрайн оьвкуну бия балайчитурайн.

Авадансса дия байрандалул программа. Спортрал тIуркIурдаву ххув хъусса оьрчIан дуллай бия Екатеринбурграй заказ дурсса медальлу ва бахшишру.

Жагьилталгу, шарнил жяматгу барчаллагьрай бия Шяраваллил кьини кIицI лаган



МахIаммад Сагидов, ПатIимат Аьлиева ва Мирослав Ибрагьимов



сса. ХIакьину шиккугу исват хьунни инсантал куннащал кув хьунабакьин ххуцI хьуну бивкIшиву. Барчаллагь учин чай ура байран сакин даврил масъалартту цала бакIрайн лавъсса, Тюменнай хIакин стоматолог-ортодонтну зузисса МахIаммад Сагидов бакIчисса жагьилтурайн, – увкуна Мирослав Ибрагьимовлул.

Мажлис цила зумуну чIюлугу, тяхъагу бувна Шардал шяравасса, жунма циньявнан ххирасса лаккудуш, унгу-унгусса патриотка ПатIимат Аьлиева. Шиккугу ва цила ихтилатраву, ужагьирттай лакку маз ябувара, буруччара тIий леххаву тIийнма бия.

– Буттахьал аьршарайн бувкIун, жямат цачIун буллалисса байранну даврил мурад, мазгу, культурагу ядаврил цIанийссар. Ххарину ва пахрулий бура жула шяравалу цIулаглай душиврия. Барчаллагьрай бура шяраву дурсса давурт-тавух мискьал дунугу гьурттушиву дурсса инсантурайн. Щала Аьрасатнавух ппив хъусса Шардал агьлу лажин кIялану буттал шяравун букIлансса кьудрат дулуннав! – увкуна ванил.

Укун яхI-кьирият дусса жямат буссаксса, вихшала цIакь хъанай дур шяравалугу, Лакку билаятгу утгава буккантIишиврийнсса.

Имара САИДОВА

ситпачиталну хъусса Мирослав Ибрагьимовлуин ва МахIаммад Сагидовлуин.

– Хьинну ххарину ура цунилгу ттула шяраваллил агьулдануцал хьунабакьин бюьаврия. Жува бакьуну, куннал кув бувгьуну кьуццу буллай буну тIийри шяраву давуртту дузрайн дуккан дуван бювхъусса. Жяматраву цуя-ца инсан акъар дуллалимунивух гьурттушинна кьадурсса. Амма шикку личIинува кIицI лагавив, цала мажал бакъашиврух кьабуривгун, жяматрайн багьлагьисса гьарца иширай дакI цуцIаву дуллалалисса Шардал шяраваллил СПК-лул хьунама Исмаил Бургьевлул ва ишбажаранчи ТIагьир Сулаймановлул царду.




Шяраваллил фондран арцу датIлатIисса группарду бур арамураьлу, хъаннилу бувну. Шяраваллил кьини дуллалисса ппурттувугума цIухлайнма бия, ссал кумаг бави, ци аьркинну дур тIий. Буттал кИанттуя, Лакку билаятрая арх буцансса ихтияр шихьчIав дакъассар. Укунсса байранналли жямат цачIун бай-

Шяраваллил кьинилул лагрулий дуллалисса шадлугьирттаву хьунмасса кIану булуну буссар спортралми бьаст-ччаллахьхун. Агарда хьхьичIра Шяраваллил кьини анжагь дукрардашалсса ссупралух шьабивкIун, балайрдайнун, кьавтIавурттайну шаллу шайсса диркIхьурча, 2019-ку шиная шийннай ва Кьини дувайсса тьхьашивруцIун спортгу цIакьну дархIуну дуссар. Ва ишираву хьунмасса даву дулла, бунияласса хьар лахьлай буссар шяраваллил «Шахьуйми» тIисса фондрал жагьилтал. Шяраваллил кьини дучIан нюжмардал хьхьичIва байбихьуну, аьркинса грамотарду, кубокру ва цаймигу бахшишру хIадур дулла байбишайсар вай. ВайннацIун, шайнал шайсса кумаг бувну, кабакьайсар шяраваллил жьаматралгу. Уку-укунсса давурттал, шак бакьа, шяраваллил жагьилтурал ва оьрмулуд бугьараминнал дянивсса арарду цIакь дуллалиссар, цIулла-цIакьсса оьрмулуд кьарал, спорт махьа нахисса никираву машгур дуллалиссар.

Шяраваллил Кьинилул байрангу кIира кьини лахьй лагайссар. Мьяжаннугу, вай кьинир-

Лакрал райондалия Шахьуйннал Кьини

Гьарца шинал август зурул кIилчинми бигьалагай гьантрай дулла аьдатравун дагьну дуссар Шахьував Шяраваллил Кьини. Гьашину августрал 10-11-ний дунни Шяраваллил байран. Ваний гьуртту хьунни Москва, Калининград, Ростов-на-Дону шагьурдай ва Аьрасатнал цайми-цаймигу кIанттурдай ялапар хьанахьисса шахьуйми ва хьамал.



дай оьрмулуд личИ-личИсса шиннардил ва оьрмулукьсса личИ-личИсса бургавурттал инсантуран хIаз дизанмур, даши дизанмур чан кьашайсар.

Байрандалул цалчинмур кьини, августрал 10-ний, ккак-

кан дурсса чIумал ккаккан бувсса кIанайн бавтIун циявпагу, хьунни спортрал личИ-личИсса бьаст-ччаллу. Ва аьдат дахьра цилла нирхиврун дагьлагьисса чIумал мюрщи оьрчIру ва чIава жагьилтал, мукунма бугьарамми, гьуртту хьанан сикьаслай, нач хьанай бивкIхьурчан, тти, оьрмулуд га яла чIивиманая байбихьуну, угьараманайн бияннин, гьуртту хьун ччиминнал ккал хьунмасса. Спортрал цалла дакIнил лавсур жура язи бугьлай, гьирарай гьуртту хьанай бия оьрмулуд личИ-личИсса шиннардил инсантал. Яла чIавама гьурттучинан дия 5 шин, яла хьунаманан – 60-нииха лирчусса.

Байрандалул кIилчинмур кьини – августрал 11-ний, колхозрал багьраву хьуна чIатIаракI ритавил бьаст-ччаллу. Ванийгу хьунмасса гьирарай гьуртту хьанай бия, ялун дагьсса гьа-

ралуннигума нигьакьабувсун. ТIайлассар, вания гихуннай дувайсса волейболданулмур турнир кьадурнура лирчIунни, гьарал сававну.

Оьрмулуд мюршиминнан ва хьуниминнан дакIний личIансса хьунни тьхьашиврулмур бутIагу. Музыкалул инструментру бичаврийну ва цалва балайрдайнун мажлис чIюлу буллай бия чIахьуврайсса КIундиннал шяраваллил Культуралул кьатрал директор Даниял ХIажиев, лакрал балайчитал Щаза Саидова ва ХIабибуллагь Кьурбанов, Лакрал театрдул артист Ислам МахIаммадов. Вайннавах хIала бувххун, цалвами гьунардугу ккаккан бувна балай учаврилмур буюгьугу биялну бивсса шахьуйннал.

Шяраваллил кьини хьуна дакIний личIансса, ялунниймунних ссавур дакьа ялугьлансса.

Бадрижамал АЬЛИЕВА

Чирилунсса даву

Нитти-буттал библиотекалувасса луттирду Миллатрал библиотекалун

Цила ххаллилсса ппу, лакрал миллатрангу, Дагьустаннал Дагьалинангу ххуйну кIулсса Киров Султанов дуняллия лавгьсса кьини ванал душнил Светлана луттирду библиотекалаву луттирду булунни Расул ХIамзатовул цIанийсса Миллатрал библиотекалун.

Вай луттирдавух бур театрдул энциклопедия, философиялул энциклопедия, совет литературалул тарих. Мукунма цилла ниттил, Гулизар Султановал, Дагьустаннал театрданиясса луттирду. Аьлимчу, педагог, жьаматийсса ишккакку, жула агьалинайн багьайсса гьарцагу иширал чялишсса гьурттучи, гьунар бус-

са публицист, политик, философ, лакку макьаннал ва балайрдал автор Киров Султановул ва диялсса шиннардий Дагьустаннал литературалул, мазрал ва тарихрал институтраву хьхьичIунсса элмийсса специалистну, А. Кьапиевлул цIанийсса Лакрал музыкалул ва драмалул театрдуву зий бивкIсса искусствоведения-

лул элмурдал кандидат, театрал критик Гулизар Султановал, гьайгьай, хьинну авадансса библиотека бивкIшиврий махIаттал хьунса иш бакьар, вай бия элмулуд ва творчествалул инсантал, луттирдал инсантал.

Вайннал аьпалул хIурматран чIавусса кьиматрайсса луттирду, кIива мукьуйну «луттирдал ххазина» учирчагу тIайлахьунссар, библиотекалун пишкеш буваву вайннал наслугу лайкьну тарбия хьусса бушиврул барашинна дуллалисса алвагьсса давур.

Патимат РАМАЗАНОВА





ИТНИ, 19 АВГУСТ

05.00 «Доброе утро».
09.00 Новости.
09.20 «Молный приговор».
10.10 «Жить здорово!» (16+).

00.00 «Подкаст.Лаб». (16+).
03.00 Новости.
03.05 «Подкаст.Лаб». (16+).

22.00 Т/с «Трейлер». (16+).
23.00 «Большая игра». (16+).

20.00 Т/с «Ищейка». (16+).
21.00 «Время».
22.00 Т/с «Трейлер». (16+).

21.00 «Время».
21.45 «Фантастика». (12+).

21.00 «Время».
21.45 «Фантастика». (12+).

АЛХИАТ, 25 АВГУСТ
05.30 «Подкаст.Лаб». (16+).

РОССИЯ 1

ИТНИ, 19 АВГУСТ

05.00 «Утро России».
07.35-07.41 Вести-Дагестан
08.07-08.10 Вести-Дагестан

«Осиное гнездо». [12+]
03.25 Виктория Кобленко, Александр Пашков, Антон Семкин...

Симонова, Елизавета Арзамасова, Андрей Чернышов, Ирина Антоненко...

Пшеничный, Евгений Ширников и Алёна Яковлева в телесериале «Возвращение».

21.05 Вести-Дагестан
21.20 РУССКАЯ СЕРИЯ. Юлия Полозерова...

17.00 ВЕСТИ.
17.30 «Прямой эфир». [16+]
18.30 «60 Минут». Ток-шоу [12+]

21.00 Вести-Дагестан
21.05 Торжественное открытие Международного конкурса молодых исполнителей...

ДАГЕСТАН

ИТНИ, 19 АВГУСТ

04.35 Передача на агульском языке (12+)
05.05 «Служа Родине» (12+)
05.20 Т/с «Преступления страсти» 43 с. (16+)

ТАЛАТ, 20 АВГУСТ

04.15 Передача на табасарском языке «Мил» (12+)
04.50 Проект «Блинком. Некоторые любят погорячее» Выпуск №16 (16+)

АРВАХИ, 14 АВГУСТ

04.15 Передача на лакском языке «Абрыца агуль» (12+)
04.50 Проект «Блинком. Некоторые любят погорячее» Выпуск №17 (16+)

ХАМИС, 22 АВГУСТ

04.15 Передача на даргинском языке «Адамти ва замана» (12+)
04.50 Проект «Блинком. Некоторые любят погорячее» Выпуск №18 (16+)

НЮЖМАР, 23 АВГУСТ

04.15 Передача на аварском языке «Паланги памалти заманти» (12+)
04.50 Проект «Блинком. Некоторые любят погорячее» Выпуск №19 (16+)

АЛХИАТ, 24 АВГУСТ

04.15 Передача на кумыкском языке «Халк ва заман» (12+)
04.50 Проект «Блинком. Некоторые любят погорячее» Выпуск №21 (16+)

АЛХИАТ, 25 АВГУСТ

04.15 Передача на лезгинском языке «Вахар ва инсанар» (12+)
05.00 Проект «Выйжит в лесу» Сезон 2-й, выпуск №4 (16+)



ИТНИ, 19 АВГУСТ

04.50 Т/с «Улицы разбитых фонарей» (12+).
06.30 «Утро. Самое лучшее».
08.00 «Сегодня».
08.25 Т/с «Возвращение Мухтара» (16+).

00.00 Т/с «Невский. Тень архитектора» (16+).

03.35 Т/с «Человек без прошлого» (16+).

03.25 Т/с «Человек без прошлого» (16+).

03.25 Т/с «Человек без прошлого» (16+).

АЛХИАТ, 24 АВГУСТ
05.15 Т/с «Улицы разбитых фонарей» (16+).

06.35 «Центральное телевидение» (16+).



ИТНИ, 19 АВГУСТ

04.50 Т/с «Улицы разбитых фонарей» (12+).

00.00 Т/с «Невский. Тень архитектора» (16+).

02.50 Т/с «Человек без прошлого» (16+).

02.55 Т/с «Агентство скрытых камер» (16+).

02.10 Т/с «Человек без прошлого» (16+).

АЛХИАТ, 25 АВГУСТ
04.45 Т/с «Улицы разбитых фонарей» (16+).

06.35 «Центральное телевидение» (16+).

«Илчилул» календарь Ва нюзмардий бувссар:

Август зурул 15-нний 1926 шинал увссар профессор **Анвар Гьярунов.**

Август зурул 15-нний 1937 шинал увссар скульптор **Шагьмурза Бюрниев.**

Буккултрал чагъардава

Фирузайн барчаллагърай бура

На чичин ччай бура Кисловодскалий яхъанахъисса Гьун-члукъатлатусса Хусайнова Фирузал кулпатрая.



Фируза Хусайнова (кях) ва Сабират Тагъирова

Июль зурул дайдихъулий на лавгссияв хъамалу Фирузачан, ванилгу нану тийи, ттунмагу шагъру ккаккан. Хъинну ххуйну къамул бунна Фирузал, цилла члунгу харж дурну, ттун шагърулуву яла ххуйми клантурду ккаккан бунна. Клива гъанглий занай бивкIру Кисловодскалийх. Шагъругу ххуйсса бия, шиккусса лакгу хъиннува хлаласса, дакI-аьмал ххуйсса бия. Фируза яхъанай бур арсурваврашал ва вайннал кулпатиртталашал. Хъинну бавкъусса кулпатру бур вайннал, хIурмат бусса, ххуйсса хъами бур Акмалуттиннул ва Муслиннул.

Фирузал на кIул бувунна цила чIаххуврай яхъанахъисса 2 хъамитайпалушал – Миясатлушал (Муся) ва Къисттаманнушал (Катя). Миясат - Гъумучатусса,

Къисттаман – Ххутиягусса, тийх-ва бувсса, ччянияцIакул тикку-ва яхъанахъисса, хъинну дакIру ххуйсса, хлаласса хъами бия. Тай маркIачанмай къатIув мурхъирдалу чяй хIачIлай, дунияллул хаварду буслай бикIайва. Фирузалгу 50-хъайсса шинну хъуну дур Кисловодскалий, ва хъинну чIявусса инсантуран кIулу бия.

Хъунмасса барчаллагъ вин, Фирузай, оьрмулул буччиннин битаннав, инава бувсса хIурмат Аллагнал хъхъичI бацIаннав, оьрчIая, оьрчIал оьрчIая неьмат ккакканнав.

Ина мукун тарбия бувсса нитти-буттал бунагъирттал аьпа баннав. Аллагнал ябаннав ина.

САБИРАТ ТАГЪИРОВА

Выставка

«Арт-галереялуву» тIиртIунни Дагъусттаннал машгъурсса художниктурал выставка




Августрал 14-нний «Анжи-Ареналий» Аьрасатнал художе-ствалул академиялул член-корреспондент, Дагъусттаннал халкьуннал художник, ДР-лул ПаччахIлугърал премиялул лауреат, скульптор МахIаммадаьли Аьлиевлул «АРТ-галереялуву» тIиртIунни Дагъусттаннал машгъурсса художниктурал выставка.

Ва тIитIлатIисса мажлисрай махъру лавхъуна Аьрасатнал ПаччахIлугърал Думалул депутат Хизри Абакаровлул, Дагъусттаннал халкьуннал художник МахIаммадаьли Аьлиевлул, Дагъусттаннал Художниктурал союзрал хъунама Къурбанаьли МахIаммадовлул, Дагъусттаннал Музыканттурал союзрал председатель Хан Башировлул.

Выставка тIитIлай, Хизри Абакаровлул кIицI лавгуна Дагъусттаннайсса машгъурсса художниктурал творчество хъанахъишиву тамашачитурал дакIру ххари ва рахIат дуккан даврил шарашину. Художникталгу бавтIун, ккаккирттал дюрхъусса выставка сакин дан бюхъаврихлу депутатнал барчаллагъ увкуна МахIаммадаьли



МахIаммадаьли Аьлиев
Хизри Абакаровлушал



– Выставкалий гьуртту хъуссар Дагъусттаннал цIа дурксса художниктал: Шагьнабат Аьлимурзаева, Наталья Савельева, Хава Аьлиева, Октай Аьлирзаев, Исмаил Исмаилов, Закарья Закарьяев, ХIабибуллагъ ХIайбибуллаев, Зулпукъар Къурбанов, МахIаммад Моллакаев. Ваний дуссар художниктурал личIи-личIисса шиннардий дирхъусса графикалул, живописьрал, скульптуралул давуртту, – бувсуна МахIаммадаьли Аьлиевлул.

Шиккура ккаккирлул дирхъуну дур Хъюллал шяраватусса, личIи-личIисса жанрардай суратру дихълахъисса машгъурсса художник ХIабибуллагъ ХIабибуллаевлул давурттугу.

– Выставкалул мурад «АРТ-галереялул» даву цIу лаган давур, цIанасса заманалул реализмалул лагрулий сура-



ХIабибуллагъ
ХIабибуллаевлушал

тру дихълахъисса художниктал бавтIун, вайннал давуртту тамашачитурал хъхъичI дишинсса кIану сакин бавур, – буслай ур ХIабибуллагъ ХIайбибуллаев.

Ккаккирлий дирхъусса гъарца суратрал дия цилла ляли-чишиву.

Асар хъумур аьч буллалисса ттизаманнул художниктурал суратру мийжаннугу дакIнийхтуну дирхъусса дия, мунияту ччимур оьрмулул ва даражалу тамашачинан дурчIлачIиссагу дия.

Суратирттал кьимат бишун ва тамаша буван выставкалийн учан бюхъайссар ччима инсаннаша.

Р. КЪАРДАШОВ



Аьлиевлухъ.

Скульпторнал бувсуна, ва кьи-

ни ккаккирлул дирхъуну душиву 50-нний дирхъусса давуртту.

СЛУЖБА ПО КОНТРАКТУ

600 тыс. руб.

единовременная выплата
при заключении контракта

от 204 тыс. руб.

ежемесячное денежное довольствие,
в зависимости от воинского звания и выслуги лет



ПОДРОБНЕЕ НА САЙТЕ [КОНТРАКТМО.РФ](http://контрактмо.рф)

Юбилейран хасну

«Театрданулла на лахъгу, бусравгу бувсса»

Ва зурул 24-нний Дагъусттаннал халкъуннал артистка Буттаева Райхланат Аьвдуссаламлул душнин хъанай дур 90 шин.

Оьрмулул хъунмур бутла – 50-нниха лирчусса шинну хъуну дур ванил аьзизсса театрлану дакИнил ларсэсса даврий зий. Цув театрланул каялвчитуран хъуннав, архал зий бивкИминнан хъуннав, тамашачитуран ва театрал ишккаккултран хъуннав бусравну бур Лакрал театрланул цагу, сийгу бюхттул дурсса, Дагъусттаннал театрал магьирлугъ хъьичИуннай даврил ххуллий яргэсса аьш къариртэсса актриса хИсаврай. Пишакарэсса кИулшиву ларсун дакъанугу, Занная бивсса гьунарданул ва актрисал пишалухэсса ччаврил гьавасрал бюхттулэсса даражаллийн бувцэсса.

Цин чИивинияцава ххирассия театр, балайрду, къавтIавуртту, тIий бур Райхланат. Цупагу чялишну гьуртту шайссияв, тIар, школалул ва шярваллил самодельностьрал давриву.

– Шярвун Лакрал театр бучIаву ттунсса тирххануя. Цавагу спектакль, концерт лях гьан къадитайссия. Артистгьтал лавгун махъгу цуксагу хIаллай дакИнива ххарисса асарду яла къалагайва. Навагу театрлану зун хияллай бикIайссияв.

ТалихИиннаран, 8 класс къуртал бувсса на Гъумук ца шадлугърай балай увкуну, театрланул директор Минкаил Аьлиев ва актертал ттул лагма лавгун, театрлану зун рязи хъунца итакъабавкъунав, – дакИнин бутлай бур Райхланат.

– Му иширая цинма баяйхту: «Ша къаласунтIиссар», – куну, гьужум бувна ниттил.

Ахиргу, комсомолданул каялвчитураца цукунугу бювхъуна ниттишчал маз льякин.

Театр ттун найбуна ххира хъуна. 1950 шиная 2003 шинайнин зий бивкIра. ДакИнил ларсэсса даву къаритан къашайсар. Ттунгу цIуцIаву, къашайшиву цияв къакIулссия. Муксса гьирарай бачайссияв, бигьалагай къини къаччиссия. Цинявппа оьрчIругу театрлану хъуни хъуссар. Душнин пьесарду дакИних кIулну бикIайссия.

ХIакъинусса къинигу макIрагу сахIналий бура, хъурдай ца роль дугьан тIийнма бикIара.

Ххарисса ва пашмансса кинирдугу, захIматшивурттугу чансса къаккаркессар. Ци захIматшивуртту ккаккарчагу, театрланулла на лахъгу, бусравгу бувсса».

Оьрмулул 14 шинаву театрлану зун бувкIсса душнихъун цIубутIуй дулайсса диркIун дур оьрчIал ягу чIава душварал рольлу. Цалчинсса роль хъуну дур А. Мухтаровлул «Аланнул кулпат» тIисса спектакльдану Юзюль тIисса чIаважагьилнал роль.

Ва спектакль ккакксса оьрмулул бугьарэсса инсантурал хIакъинугу асардай дакИнин дугьан бикIай чIаважагьилнал роль Райхланатлул устарну дургьуну диркIшиву.

Хъиривмур роль хъуну дур Д. Жабарлылул «Севиль» пьесалулу 14 шинавусса Гундюзлул роль.

Цалчинсса рольданува цинна яла дакИний лирчIунни тIар, Къумукьнал театрлану зузи-



Райхланат Буттаева



Лакрал театрланул коллективрачал

сса Шагьмардан Аьбдуллаевлул чивчусса «Широкая дорога» тIисса пьесалул спектакльдану дургьусса Москвалиясса студентка Катял роль. Премьера ххал бан МахIачкъалалия Гъумукун бувкIун бивкIун бур хъьичIунсса театрал ишккаккулт.

Профессор, хъунаавкъуну, нач хъуну ливхъун нанийни, ччанная палцI хъуну дур пьесалулу къаликкан аьркинну диркIсса ус. Профессорма ивкIун ур: «Катяй, ява, ва ус ласи», – тIий, оьвтIий. Му лахIзалий тамашачиталгу гурну хъатру ришлан бивкIуна тIар.

Премьералия махъ, бусравсса хъамал премьералул ялув жап тIутIийни, Райхланат бивкIун бур, къахъун аьркинну бивкIсса иш хъунни цишава, мунил ялув цуппа театрланува буккан банссара тIий, ххажалатрай ца муцIув сябивкIун. Гай тIурча: «Ва чИивитIу чув бур» тIий, бувкIун, дуцири цIарду дурну дур. Муний Шагьмарданул бувсуна тIар ччанная ус лирккун, дуний

личIаву яргэсса лахIзану хъушиву спектакльдану.

ДакИний лирчIсса рольлай хIакъираву, ми лап чIяруссар тIар:

– Шинай мукьва премьерэ бишайссия. Гьарца пьесалулу ттухъун дулайва агьаммур роль. ДакИний лирчIуна ХIасан Буттаевлул цалчин дургьусса «Кречинскийл хъатIи» спектакльдану Шиллердул, «Макру ва ччаву» ву Луизал, Минкаил Аьлиевлул «Буттал шярвуву» спектакльдану доярка Жариятлул, Минкаил Аьлиевлул «ПартIу ПатIима» спектакльдану Бахтгуншал, Георгий Хугаевлул «Туршама къатлуву», Радиса Хубецовал «Ниттия дуркэсса цIаниву» Хансиятлул, Курди Закуевлул «Хъяринсса ччавриву» Маймакил рольлу.

Артистнал оьрмулул ца агьамсса бутла лагай гастроллай. Асардай ливчIсса аьрххирдугу чан бакъар актрисал авадансса биографиялулу.

– Буссия театрланий аргъ дусса замана. Гьарца шярвуву театр бучIаннин ялугълай бикIайва. Шярваллил инсантуран мунир ххисса дялахъру цамур къадикIайва. Клуб нажагэсса шярвуву бакъа къабикIайва, спектакльлу къатIувъя бишайсса.

Къутаннайгу ягу къатIув, дунийл даршу-даркуну духъурча, чIаркIув бишайссия. Буран бусса чIумал хъинну захIматну бикIайва, декорация мурчал ласун дулай.

Театр шярвун бувкIсса баяйхту, ахттайн чIун хъуннинма чарту бивхъуну, цанма шьябикIансса кIантту бувну, шьябивкIун бикIайва агъали. Ттукрай, балчан-

тист ХIасан Буттаев. Цув дакИний утан жул буккултрангу тIааьнну бикIанссар.

– Ди. Ттун ттула талихIгу театрлану льякьуссар. ХIасан ттул учительну хъуссар. На театрлану зун бучIаннин га цIа ларгэсса артист ия. Ганал рухIгу, жангу театр бия. Гьарца ишираву ттул чIарав ацIайсса лас ия. Къюкъала къабивзун ичIаллил кушулуву кумаг байва. Театрданувунгу, гастроллайгу жушала архал буцIай хъуни арду 3 арс: Камил, Жамалуттин, МахIаммад ва душ Зулайхат. Вайнная бивзунни 9 оьрчI, вайнаягу – 12 оьрчI.

Ххаривурттугу, къумаши-



най декорациягу дирхъуну, бахтта лагайссияв шярваллавун. Ус шала дуциншиврлул, шярвава буккайхту, лирккун, бачIва ччаннахъ ягу тIатIан кIану къалирчIсса усру лахайссия инсан хъунакъаакъинсса кIанттайх нанийни. АпатIиртташагу, Алагьнал цими ххи хъуну, цимилвагу ххассал хъуссару.

Ца базилухъ къурукIинттул Маччайннал махIаллийсса шархъавун спектакль ккаккан бан лавгун буну, Къурлату нанисса чIумал марххала бувну, чани ласлай, ччан личлай азурда хъунав хъинну. Марххалтанийх ччан ливчуну, арнашчал багъавай ливчIсса кIанттай, махъа нанисса бурттигул каниха бувгьуну ххассал бувссару. Зивзуссания, нехай бакъа къабачIанссияв жу, гьинттул марххала бавссукун бакъа лягу къалякьинссия. Шунив хъамаллураннын лавгун, гайннал къакъан бувну, гьили лаган бувну тIайла бувкссару.

Гьарцагу шярвуву хъинну хIурматрай къамул байвав. Шала миллатран бусравну, къимат бюхттулу бияв ласгу, навагу. Гьарца шярвуву хъамалгу бия. Цалчин гьантта бивкIсса хъамаллурин хингу къавхъуссару. ХIасан ивкIуну 3 шинава ттула шярвун Къубав аьрххи багьну, лагма шархъавасса инсантал букIлай бия, жижара бан бучIан къашаврия начну буру тIий.

– Райхланат, дугьарамур никирал инсантурал дакIурдиву дахIалай чинсса кIану бувгьусса артист ур Райхланатлул лас, Дагъусттаннал халкъуннал ар-

ХIасан Буттаевлул аьрмулул ххуллий чансса къаккаркунни. Ми духIансса цIулушиву Заннал чурххяхъун дулаврийн цукрулий бикIара.

– Ци чIа учинна вила аьзизсса театрланун, инава дакИнийсса тамашачитуран, лакрал миллатран?

– 2003 шинал, цIуллу-сагъшиву сававну, ттун аьзизсса театрланува гьан багьуна. Амма театрланул каялвчитурал ттухэсса къулагъас тачIав чан къадурунни. ДакИнийхтуну барчаллагърай бура вайннай. Ххарину ва пахрулий бура жула театр республикалий хъьичIунсса ххуттай бушиврия. Зий бур гьунар бусса цIу-цIусса артистгьтал, вайннан тIайлабацIу чIатIий бура. Ттунма ххирасса лакрал миллатрайну барчаллагърай бура нава хъун баврихлу.

Ххарину бура миллатрал культуралулу ттула захIматрал бутла бишин нясивну льякъаврия. На ша бивзэсса, ттул хъьичI цIу-ччатI бивхэсса инсантуран сагьну буминнангу цIуллушиву дулуннав, жуятува батIул хъуминнангу Алжан булуннав! Тяхъашивуртту, тирххану дакъа къаккакканнав!

Миллатрал ччавугу, хIурматгу, бусравшивугу багъавай хIалал дурсса актрисан, Лакрал театрланул цIанихэсса тарихраву багъа бишун къашайсса захIматрал бутла къабитаврихлу барчаллагъгу тIий, чIа тIий буру цIуллушиву, оьрчIая, оьрчIал оьрчIая талихI ва тирххану ккаккаву.

Зулайхат ТАХАКЪАЕВА

Кулпатрал шинан хасну

Чил халкьуннаву лакрал цѝа бюхттул дуллау

Жула учайссар: «Кланттул инсан акьарча ххуй айсса, инсанналли цува усса клану ххуй байсса», – куну.

Къабардин-Балкьарнал хьун шагьрулий Нальчикрай мина дирхьуну, 50 шинал лажиндарай цачу оьрму бутлай, цивпа бавцусса клану чюлу буллалисса, гьаз буллалисса инсантал бур Хьуннациял шярвасса Авдурахман ва Хьункултутти Омаровхьул. Чил миллатрал дянив лайкьну, бусравну оьрму бутлай, Омаровхьал сакин дурну дур шийх чирисса цала империя. Личи-личисса шагьрудая Нальчикрайн аьрхи багьсса, шярваллава бавцусса ватандувтал Омаровхьачари бацѝайсса. Вайннал ужагьрай тачѝав буххубукку, хьамал чан къашайссар. Акьхьунссар Нальчикрай цаягу къулдугьчи Омаровхьал кулпат къакѝулсса.

Бюхьу-бажар бусса, дан-дитан, бусан-учин кѝулсса, мукьуй цѝу бусса Хьункултуттийн оьвчайссар шагьрулий хьанахьисса сайки циняв мероприятиярттайн.

Буняялагу тѝутул лажин дусса, цѝагу, бакѝгу ххуйсса, цѝу буну лархьсса, яргьсса Хьункултутти чув-бухьурчагу паччахьшарьсса кунма итталун багьлан бѝѝай.

Махь нанисса Хьункултуттийн оьвчайссар цѝуну сакин хьусса кулпатирттагь насихлат бангу, жагьилсса душавран дан-дитан, ласкъатлуи занакулу бѝѝан лахьхьин бангу.

Авдурахманнучѝан бучѝайссар тийхьсса лак иш багьний маслихлат ккаккан. Чѝярussa шиннардий гьурбатрай бунугу, вайннал ядурну дур жула аьдат-эбадатру, багьу-бизу. Нальчикрайсса дагьусттанлуттурал, лакрал хьатѝи-хьиншивурттай, бивкѝу-буккулий вай мудангу ххуйну чѝарав бацѝайссар.


Кулпат бангу, буруччингу къабигьассар. Микку ляличисса усттаршиву аьркинссар ласналгу, шарьссанилгу чулуха. Гьайгьай, кулпатрал бакѝ дургьусса Авдурахманнуну бияялагу хьунмассар, ужагьрал ттарѝѝ хьусса Хьункултуттиилсагу.

Хьюцѝалла шинай цаннан ца бувчѝлай, цаннал зумату цаннал цин хѝацѝлай тѝисакьсагу, нахѝу-хѝалимну оьрму бутаву – му, буняялагу, хьуннасса чувшивур. Бувчѝлачѝисса зат бур укунсса нитти-буттая ххуйсса наслу бизавугу.

Цала 5-гу душнингу Авдурахманнуну ва Хьункултуттиил ларайсса кѝулшивурттугу, ххаллилсса тарбиягу дуллуну дур. Вай циняв ххуйсса давурттай, жаваблусса къулдугьирттай зий бур. Цала-цала коллективравугу сийлий, хѝурматрай бур. Нитти-буттаха лавхьхьуну, эьратрансса кулпатру бувну бур. Авдурахманнуну ва Хьункултуттиил душру цамур кушцуйсса бѝѝангу къабюхьайва.

– Ци учинна вила кулпатра, душавра? Арс акьѝ тѝий пашманну къаѝкарарав? – цѝулай бура Авдурахманнуну.

– Хьюцѝалла шинай цачѝу буттсса жул оьрмулия ххуйсса



Авдурахман ва Хьункултутти Омаровхьул



документал фильм хьунссия. Хьункултутти гтуйнма бакѝрайн багьварийну ттунма хьунмасса талихѝ хьуссар тѝий ура. Вания ттун тѝайласса оьрмулул дус хьунни. Ва ттул чѝарав бивкѝессар ххаринийгу, пашманнийгу. Душавра я тѝурча, бюхьай ца 30 шинал хьхьичѝ на ар акьашиврия пѝкри буллау ивкѝун икѝан. Утти, арсурваврал клану бугьансса, бюхьу-бажар бусса душру хьуну, вайннал ххари уллау ура. Ххарину ура душаврал арсурваврагу. Вайннал жухьсса аякъа, къулагьас чан къадай, бава-тѝатѝа ччаву дусса бур. Ххювагу душния бивзун бур 8 арс ва 3 душ. Вайннал ххари буллау буру, – тѝий ур Авдурахман.

Букьавсун къабучѝир, душавралми оьрчѝругу итхьивхьсса, гьунар бусса бур.

Шѝайх-Рамазан дуклай ур ФСБ-лул лавайсса даражалул академиялу, Махѝаммадаьли – Цалчинмур Москваулал Медициналул университетраву, Альшефт лавайсса кьиматирттай дуклай ур школай, 11-мур классравун увкунни. Алмаз тѝима МЧС-рал академиялу дуклай ур. Ванал нину хьхьичѝунсса хѝакинни, ппу подполковникри.

Мансур ва Сулайман Энеевхьул лачѝун буккавил спортраву Къабардин-Балкьарнал республикалул аруйла чемпионтал хьуссар. Вайннал нину ккарччал хѝакинни. Андимир ва Кантемир дуклаки оьрчѝругу бур. Вайннал ппу ккарччал хѝакин ур, нину Виваллил иширттал министерствалий зий бур. Бур Авдурахманнуну ва Хьункултуттиил цаннир ца авурсса душнил душругу: Шарипат, Рабият ва Сумая. Аллагьнал ябаннав циняв.

– 1974-ку шинал, Хьуннациял шярва бивкѝун, Нальчик шагьрулий мина дарду жу. Хѝарачат буллау бивкѝу чил инсантурал дянив лажин кѝялану оьрму бутан. Ххюва душ ччаннай бацѝан бан, миннан ххуйсса тарбия дулун бигьану бакьая. Заннал кавакьуну тѝайлабавцусса наслу хьунни.

Хѝакиннуса кьинигу хѝарачат буллау буру цайминна-яр ялавайну къабикѝан. Гьурбатрай бунугу, бусраврай, эьратру, жула миллатрал цѝа бюхттул дансса кушцуй оьрму бутлай буссару. Кланттул инсантурача жул хѝурмат хьунмасса бур. Жу чѝалишну гьуртту шайсару шийхьсса жяматийсса иширттаву. Буссару Дагьусттаннал диаспоралу, у

Авдурахман душаврацал Къабардин-Балкьарнал Культуралул центрдану, Хьунисриннал советраву.

Ттул бавал учайва: «На цимилгу лавхьссара ав къалахьай бизанттайн, цимиллагу дуркуссар аврдан къадирир уртту».

Лахьнийн лахьлай, бюхттулнийн хьѝа тѝий, гьармуння нарза ласун хѝарачат буллау, яхѝирай бувтссар ттула оьрму. Барчаллагьрай бура Къабардиннал аьрщарайн, икрамрай бура шиккусса халкьуннайн жува, къамулгу хьуну, хьхьѝи бивтун тѝий, жула къадру-къимат хьунмасса бунутѝий, барчаллагьрай бура хьуннасса Заннайн ва уттава алжан буллуну тѝий, – тѝий бур Хьункултутти.

Шѝийх, мѝяжнуну, Омларовхьал кулпатрал хѝурмат-къимат бушиву тастѝикь буллау, бусанна: уттигьанну Нальчикрай Аьрасатнал халкьуннал ассамблеялул хьаттиралу лахьхьунну кѝицѝ ларгунни Миналул халкьуннал кьини. Шиккун оьвкуну бия Омаровхьал кулпатрингу. Дагьусттаннал диаспоралул вакил хѝисаврай, Дагьусттанналмур майдан тѝитѝин тапшур бувну бия Хьункултуттиийн.

Савучѝав махьун багьан къаччисса, цийнма тапшур бувмур лажин кѝялану бартѝигьин ччисса Хьункултуттиил хѝадур дурсса выставкалул Ухьсавнил Къавказулал циняв республикардал дянив 1-мур клану бугьварий на махѝатгал къавхьура. Цѝа буттукьрава ниттил ниттихьая шихуннай бутѝурай дуркусса бухар чалагьайрду, нукѝузаманнул Дагьусттаннал къай-къуй: варакъи, урша, гунгуми, оьлттизу, накѝрутѝу, авурсса ланжартту дирхьуну чюлу бивсса ванѝл витрина яла ябацѝанмур бивкѝун бур.

Ва кьини, Мусил хьатѝушалгу барча бувну, Аьрасатнал халкьуннал ассамблеялул регионалул отделениялул председателъ Х. Сохроковлул буллауна Омаровхьал кулпатран Барчаллагьрал чагьар, «Нальчик шагьрулул хѝурматлусса гражданин» тѝисса лишанну ва бахшишру.

– Хьюцѝалла шинай Къабардин-Балкьарнаву ялапар хьанай, ва кулпатрал иш бавчусса чѝири «паччахьлугьрал» гьану бивзунни. Тарбия бунни жула республикалул цѝа гьаз дансса ххаллилсса оьрчѝругу. Ва бур гьарнал эьрат ласун бучѝисса кулпат, – увкуна ванал.

Кулпатрал шинацѝун бавѝуну, вай мусил хьатѝушал барча бувна Загьсрал чулухагу. Дуллауна «Семья года» грамотагу, ххаллилсса бахшишругу. Омаровхьая передача дан бувкѝуна кланттул телевидениягу.

Жугу дакѝинийхтуну барчѝа буллау буру чил миллатрал дянив лакрал цѝа бюхттул дуллалисса, ччянивасса жула кказитрал дустал, Авдурахман ва Хьункултутти цачѝу оьрму бутлай 50 шин шавриштал. Чѝа тѝий буру цѝуллушиву, дуллалимуниву тѝайлабацѝу, душавра я вайннал оьрчѝая тирххану. Бартлаганнав архѝал Макка-Мадиалийн гьансса зул кулпатрал хѝялгу.

Анриана АБДУЛЛАЕВА

«Илчилул» архив ххилтгу буллай

25 шинал хъхьичІ, 1999 шинал, хар-хавар бакъа Цуссалакрал райондалийн дуняллул террористь-турал кьокьри ххярхсса тарихрал иширан хасну кказитрай рирщусса язи-язими макъалартту.

Бичибакъашивуриувай, ягу...?

Къатри ччучлан диркІукун, анаварну цІу лешан дан аьркини, пожарниктуращал къалмакъаллу къадуллай. Ва на гихунмай чивчумур цахъис хъхьичІ, Дагъусттан кунпаякун хъуну, цІаннавун бюкълай бавчусса кунмасса гъантрай, лайкъ бакъасса хавардуну чІалан бюхъайва. ХІакьину, талихІиннаран, тагъар къулай хъанан диркІунни, амма кризисрал дайдихъулий-ва ттул бакІраву загъир хъанан бивкІсса суаллу хІакьинугу яла къалавгунни.

Гъармур цилла къаралданий-рив хъанахъисса?

Ай-юх. Вай иширттал савартту яла къадичирча, бандитьтурал хъиривмур хІарачат бакІун къабукканссар тІисса вихшала нахІакъссар хъунтІисса. Укунмасса оьрмулугу республикалулгу, шагърурдал ва шярваллалгу каялувчитураясса жулла тІалавшинну, аьйрду гъарзасса дикІай, амма ва ххуллукъ ми аьй данну къушцу тІий бакъая. Ттул циняв суаллу цІана хъачІунттай чинну думиннахъри.

Степашиннул, бандитьтурал къраршисса операциялу-ву цуя-ца агъалинавасса инсаннан, цуя-ца аьраличувнан зарал къахъунтІиссар увкуну цаппара ссятру гъаннинна, жула вирталалсса гъавалул аьраллий гужирдал боевиктурал позициядайх гужсса ракетарттал ва бомбардал ришаву дурну (мукун баян бувна цала), жула 4 милиционергу ивкІуну, 17-ннайн ша-вурду диян дурунни. Учинссар, цумур-бунугу дьявиллий шайссар мукунсса ишру увкуну. Бюхъай. Амма Первомайскалий кунма къашайхъунссар. Уттигуриу ми ишру хъанайнма бикІантІисса?

Обороналул министерство ва МВД кІира шинал мутталлий цивппа ябуллалисса налогрудултурал бакІру къягърал буллай бия, цала циксса гъухъ рутІлай буссарив буслай, ттизаманнул журалий талан лахълай. ЧІалан бивкІунни ми хъунисса хІарачатру ссайн бувкссарив.

Ттула, пайхаммаршиврул, ттун ххива жуйнма ххяхъсса къачагътал бухлаган бансса, амма цинярда телеканаллавух буслай бур ми жула аьрщарая личин баврил операция най бушиву. Вана обороналул министралу бусунни жяматрахъ ми личин буллалишиву. КутІану учин: ламус хъанай бур бухлаган банча, личин буллай буру тІар.

Жувату цания-ца бакІрал сагъну акъар. Я на, ягу къачагътал бухлаган бан къааьркинсарча, буккан банни аьркинсса тІутІими. 400 бушихъийл милиционернан шуркІал къавхъуну бухъурча цала чІарах, дарцумунил далухІилушалсса цурку акъача, ттуршахъул кІусса ярагъуннишалсса инсантал бувкшиву, цукунни миннал цалва къуллугъ биттур буллалисса? Ххал барча, инсантал биал къахъанай, тайн-

Авторнал ва макъалалул хъхьичІмур бутІа чивчуну бур Бушихъ-иял райондалийн террористал ххяхъсса гъантрай. «Новое дело» кказитрай ва бувккунни ларгсса нюжмардий. Дагъусттаннал халкъуннал зума-ккарччудумур жям буллалисса ва макъала, лакку мазрайн дурцуну, ришлай буру «Илчилийгу», Дагъусттаннай хъинну дакІ цІуцІисса лаккучунал чивчумур жулва буккултрангу кІулу бивкІувча тІий.



нал дазуь так кІива къарал-пост бивкІун бур (мукун бия баян буллай). Туну ми кІивагу пострай кІитту-кІиттурша милица бухъунссия. Ци хайрди мукунсса къарал-постирдая, агарда миннан дазуьх нанисса шаллусса полк хІисав хъанай бакъахъурча?

Ссахари зий бивкІсса районнал ва шярваллал администрациярттал бакІчитал, циняв низам дуруччай органну, цивппа агъали, агарда агрессия дайдишин цукссагу хъхьичІ шярваллаву, лагмасса хъачІ-бакІайгу шиллив къакІулну къачагътурансса цІакъшивуртту дуллай бивкІхъурча? Шярвуния гъарца увкІма, гъар хъанахъимур къюлтІ бан къашай.

ЗахІматсса зунттал рельеф-раягу магъри буслан аьркиншиву дакъар. Къачагътурангу га захІматссагу, зунтталгу диркІсса. Шиккува учин, аригугу жула цамур бала бусса бур – ххисшала дакъа къасса рельеф душиву. Туну хъхьирйгу дикІанссар цила захІматшиву – хъинну атилшиву. Цукунни ми захІматсса кІантурдайх къачагътурал грузовикругу, бронетранспортердугу заназисса, разведкалун тІурча, гъавалулунингу, - му къачІалачІисса? 400 райондалул милицианалІун ялагу цикссагу гужру ххи буллай бивкІун бунугу? Гъич бувчІин къашай.

Ттун къабувчІай, цукунни кІира хъхьичІ ларсми шярваллацІун къачагътураща цайми шярваллугу ласун бювхъусса? Цукунни жулва штурмовой авиациялуша тайннал цавагу

автомобиль, бронетранспортер ххассал хъусса?

Гъавалул гужирдал командующийнал увкунни бандардащал талай шанма авиациялул полк буссар увкуну. Миннул гуж Хъун дьявилул чІумалсса шаллусса гъавалул армиялул гужнир чІивисса бакъахъунссар. Учин мукъун, авиациялуша сайки гъарца къачагънал хъирив дагъан бюхълай бивкІун бур. Циванни му муксса бюхъу бакъа диркІсса? Циванни, жулла авиациягу гъавалул дунура, къачагътураща бюхълай бивкІсса цачІун батІлангу, ппив хъанангу, чуннив занангу?

Щил, цукун буручлай бивкІ-ссар аэродром, агарда бакІрайва, талатавуртту багъайкун дайдишиннинва, кІира вертолетгу ччурччуну, аьралуннаву ливтІуссагу хъуну бухъурча? Ялунссаннун, къачагътурал хъинну паракъатну шалва иширал сурат видеокameraлийнгу ларсун дур.

Му дарсгу къагъахъуну дур, цанчирча ца гъантта лях лавгун, ца вертолет ялагу дуртун, шама хъунисса генералтурайнгу ша-вурду дирну дур. Генералтураща цаламур мюхчаншивурагу дуруччин бюхълай бакъар. Гайния кьокьрал хъхьичІ гъужумрай най бакъая. Му бакъарив начсса иш?

Миксса аьралгу, техникагу дунура, гъаваллаву так жулва гужру бакъа бакъана, цукунни къачагътураща бювхъусса яла агъамми лахъшивурттай буртти бикІан? Хъянсса зад бакъарив: телевизорданул экранда-

лий ккаккан буллай бур чІевусса цІурттигу чиннай бусса генералнан сситтулсса кІанттул агъалинал аькълу лахъхьин буллай, чачаннал чулухасса ххуллу лакъин аьркинни, тичча къачагътуран кумаг биян буллай бур тІий. Цама зунтталчув гъалакуну буслай ур, къачагътурал ккучуну цалла ккаккан дуллай унува, авиациялул тайннайх къариршунни тІий.

Генералма так бакІ кІутІу дуллай ур. Ци учинна ина вай хъанахъисса иширттая цаппара Москвауллал кабинетирт-таву шябивкІминнал хайр ласиссар тІутІиминнахъ? Цукун шялу банна летчиктал машин лавсун бунутІийри вакссара авиация «эффективныйсса» тІисса тІарду?

Ва иш цуппава цукунни хъусса, ххяххан нанишиву шиятучІав къюлтІ буллай бивкІун бакъана? Цимигу нюжмар хъунахха циняв муния гъалгъа тІий, хІадур хъун ччарча, му къабюхъайсса зат бакъая.

Республикалий 14 азараянна-ярагъуннивусса, аьралий пиша лахъхьин бувсса профессионалтал бунува, халкъуннал ополчение сакин даву – му цири, агъалинал чулухасса армиялул ккарччаравух ришаву дакъахъурча? Акъану жува Наполеоннул ххяххавурув дайшун дуллалисса?

БувчІиссияв хІадур къавхъусса ополченецтал хъирив къинива дьявилул цІаравун бичин? Вания 1941 шин дакъая, душмантал МосквауллачІан гъан хъусса.

БувчІиссарив ополченецтурахъхъун сайки 1-мур дуняллул дьявилул заманнайсса карабинну буллай? Миннал колхозрал кьурувалуриувай ябуллантІисса ягу кьонкьарахун бияннин ттизаманну ярагъуннил балгусса профессионалтурайн – «дьявилул ккаччайннин» миннан данди бацІан багълагъисса?

Циванни къачагътурахъ ттизаманнул ярагъ бушиврия гъалгъа тІийнмасса, жулами аьралуннахъгу, милицианыхъгу кьирим-мажардурив бусса? ЩичІари дусса артиллерия, авиация, бронетехника? ТайнначІаривкьай, жучІарарив?

Агарда къачагътуралгу диркІ-ссания авиация, ция бантІисса? Шак багълай бур, му чІумал махъ бакъасса капитуляциялул актилу къулбас дан багъанссия тІий.

Вана Дагъусттаннал телевидениелул хъанахъимуния тІайласса информация дулунну увкуну, ккаккан дурсса сурат.

Вертолет дур, цал гъаваллаву дарцІунугу диркІун, чуннив дагъну най. Вана луххал ттугъливух ярагъуннил балгусса инсантурашалсса БМП чуннив бивгъуну най цайми ярагъбу ххуллул тия-шия ци дуллалиссарив къакІулну сукку-къютІу тІутІисса инсантурал чІарах.

Вана чуннив грузовик никъа шуну най – мунил хъунин ца-мургу. Вайнна ялагу тикку, шикку, камуфляжравусса инсантурал ккучу-ккучунну тиха-шикка дуклай.

Ва ккурч, цуппа ца махъгу къаувкуну, ци дуллалиссарив бувчІингу къабуну, шаллусса ва тІайласса информация тІий ккаккан дурунни. Ттунма цал ссигу бивзунача, яла паракъат хура. Информация, мьяжаннугу, шаллусса ва тІайласса хъунни.

Ттигъанну Индиянаву муххал ххуллий катастрофа хъувкун, транспортрал министр, расследование даннингу къаавцІуну, цува увкунни отставкалийн. Мунан стІулну тІий хъумунил жаваб стрелочникнай къадуртун, цалла министрнал дулун аьркиншиву. Жулами тІурча, аьй зунттал рельефрайн рутлай бур. Райотделданул начальникая тІайла хъуну, генштабрал начальникаян бияннин. Бюхъай миннан орденнугума дулун. ЩинчІав пикривагу хъуншиву къакІулли ливтІуминнал оьттул хІакъ хъхьичІва-хъхьичІ хъуни чиннавусса инсантурай бушиву, цала канилуми аьркинсса кушцуй хІадур бан къабювхъусса, хъунмургу кІул буну, аьркинсса хІукму хъхьичІва кьукьин къабювхъусса.

Амма вай иширттаву кІива зат бур ттулла дакІ дацІан дуллалисса. Мугу-уттинин хъанахъимуния дакІ дяркъуну дунугу, ополчениелуван бувхъсса азарахъай арамант, ва цилла мина кьаритан багъсса шарсса, мушрайчитуран тІайлабацІу чІа-тІисса, Аллагънайн дуаь дуллалисса, амма къачагъталу лихъан буну, цилла ужагърайн кІура даенмур бува тІий бакъача... ополченецтурал бакІурдия цурда ца чІара къадагъаннав тІий.

Мукун буссаксса, дагъусттан халкъуннан ссятучІав я нигъ дакъассар, я начливун къабагъантІиссар.

Ца ялагу. Цими шинни философтал ва политологал Аьрасатнал жямат лагма лаган бансса, кризисрава буккаву мурадрай ми зузи бансса миллатрал идеялух луглай. Дагъусттаннай хъусса трагедиялул циняв миллатру цачІун бансса гуж ялун личин бунунни, му гуж ссахчІав машин ласун къашайссар. Му жунма ххирану бавцІусса багъа бакъасса ххазина жува, дьяви кьуртал хъуну махъгу, ябан аьркинссар.

Ва макъала чирчуну барз ххишалагу хъунни. Утти, бушихъи-цІумадиял трагедия тикрал буллалисса Цуссалакралмургу трагедия хъуну махъ цири ххи бантІисса? Зурул хъхьичІва на бихълай ивкІсса суаллу хІакьину ци-



«Илчилул» архив ххилтү буллай

Махъра-махъсса сурат

Нава ляхъусса Ккуллал Райондалийннир на Щуссалаккуйн чйавуну лагайссия командировкалий. Му га райондалий кьювусса тагъар дунутийгу бухъунсарча, ци тилисинъав, цурдара райондалийн дакI лерххун дачайва. Гийх райадминистрациялул бакIчину Арсен Каммаев зий усса чумал кIул хъуссияв жу ганал телохранитель Руслан Хаммадаевлушал. Жу райадминистрациялул жанахIравун буххайхту хъхъичIун увккун, хъягу-хъяй, «вайна жулва душругу бувкIун» учайва Русланнул. Лакку зумуну яхши-хаш буллай улукъайва. ХIасил, цачIу аьрххи-ххулугу багъайва жул, архIал лавгссару «Новостройрайн», Хасавюртлив. ЧIяву ихтилат бакъасса Руслан, на ттула давура так дуллалисса тIисса куна, къущу тIун икIайва. Амма ганал дугъришиву, багъайни багъайкун махъучин кIулшиву хIисав къархъуну къаличIайва.

ДакIний бур, цал на Русланнухъ Щуссалаккуй пулансса къатри цIухлай, тиккун гъанса куц бувчIин бува тIий бура. «Нава биян баннача, бацIу» тIий ур. «Гивахва шихъ-бунугу цIуххиннача, ина так тIайла бува» тIий бура. «Ххуллу ккаккан бан мажал бусса нава унува, цаманыхъ циван цIухланна», - тIий ур.

Ялагу. Конституциялул байранналул кьини Лакрал майданнив буру. ЖучIан гъан хъуну, Руслан, на зу хъамалу бан-



Хъунама сержант Руслан Хаммадаев (урчIах)

нача, бачияра зу та усттуданухъ шябикIяра тIий ур. Ламус буллалисса жугу ний-ний тIий бавцIуну буру. Шамийла цайнма оьвтIий бучIаннин, хIура къавхъуна жул чIарату. Га ия хIакъсса «джентельмен», цивпалу бавцIусса душругу къабивтун тинай хъун къаччисса.

Ци бусланна инсанная ганая кIулмур бакъа? Сайки цичIавагу къакIулли жун ганал оьрмулия. НукIувагу кIицI лагав, чIяву ихтилат бакъасса, цаява гъалгъатIунагу къаччисса ия. ДакI дарцIуну учиннив бюхъансар: га ия ххуйну тарбия

хъусса. Гукунсса жагъилнашал шябикIлай-бизлайни дакI ххари хъанан дикIайва жулва ппухълу ва уссурвал лак бушиврия, миллатрахсса ччавура цIакъ хъанан дикIайва.

Вана га Щуссалаккуйсса дъвилулу гъантрай, дахъа шавату увккун най унува, бивтун увтун ур тIисса хаваргу - дяркъусса ссутнил кюрчIисса бахшиш.

Махъва-махъ жун га ккавккисса дъвви байбишин нюжмардул хъхъичI. ДазуцIухсса район ци тагъарданий дурив ххал дан лавгсса жу Русланнул, цала зумуну пиш-пишгу тIий, буххан

бунну Тимур Оьмаевлул кабинетравун. Жу Чапаевкалал зума-къирагърайсса блокпострайн нанийни, хъярчру буллай ур: «Бургяра тти партизанкахъах» тIий. Блокпострайн бучIайхтурив, жул хъхъичIунгу увккун, ца аьжаивну увкунни: «Душрув, жулгу ришаракъай ца сурат».

На Русланнул ва ганал даврил уртакъ Тимурдул сурат ларъссия.

Щуссалаккуя бучIайхту, 24 сурат дусса пленкалий 23 хIадур дурну, кказитрайн дулунсса сурат дакъархха куну, Русланхъалмур сурат дуккан къадурну риртессия. Вана дулун багъну. Бюхъай ва сурат Русланнул махъра-махъмур сурат дикIангу. Ца нюжмардувая яла га бивтун утантIиссагу.

Руслан дуняллия лагаврил кюрчIишиву кIидачIлай буру ганал нитти-бутташал, мачча-гъаннашал. Ччимур ляхъиндалул жула хъурдай чин кунасса жагъил ивкIуну тIий. Мукунма кюрчIишиву кIидачIлай бура Арсен Каммаевлухъ, Артур Исрапиловлухъ ва Тимур Оьмаевлухъ. КюрчIишиву кIидачIлай бура Щуссалаккрал жяматрахъ - ччимур миллатрал цала хъурдай чинсса арсивкIуну тIий. КюрчIишиву кIидачIлай буру жушала жувагу - утти Щуссалаккуйн лавгукун, га жула хъхъичIун къаукканшиву кIулну тIий.

Гъай-гъай, гукунсса арсру бусса миллат ххув къахъун къабухъайссия. Амма, танийва Константин Симоновлул тIийкун:

АьтIунтIиссар ниттихъул ттигу кюрчIисса гъантрай,

Зана къабувайну тIий ххувшаврил цалва арсру...

Патимат РАМАЗАНОВА
№ 41 «Илчи», 1999 ш.

Кумаг най бур

«Новостройрайн» лихъачал-тран кумаг вай гъантрай ЯтIул Ххачлил чулухагу букIлай бур. Цалсса 2200 инсаннансса кумаг бувкIунни. Продуктылул ца посылкалуву дур 3 кило качарунил, сайки 3 кило макароннал, 2 литра аьгъушиврул, 250 гр. чяйлул. Му ца кюрши мукъа инсаннайхъ бачIин ккаккан бувну буссар. Ялагу бур ссахIван, ккарччив шюшайсса пастар ва шеткарду ва шампунну дусса кюршив. Мигу ца кюршилыву мукъуннансса дирхъуну дур. Мукунна иникIмагу ларсун бувкIунни. Ми инсаннан ххюра кило хIисавну дачIин ккаккан дурну дусса дур, амма, чансса дуну диял къахъанай, кулпатран 10 кило хIисавну дачIин ларсун бувкIун бия. Мюршисса оьрчIру буминнайхъ бачIин 80 пачка печениялул бусса ца кюршигу лавсун бувкIун бия. 20 литра цаннивун лагайсса пластикрал каниструдугу ларсун бувкIун бур шинал дуцIлан. Уттигу цачIара дусса виргъантру ва мукунна Шведнал ЯтIул Ххачлил гъан дурсса янна ларсун бучIан тIий бур.

ЯтIул Ххачлил вакилнал бувсунни кумаг цачIанма уттигу букIлантIишиву, дуркIмур цимурца, дацIан къариртун, шиккун диян дуллантIишиву.

Нюжмаркьини Гъанжилив Горькийл цанийсса кIичIираву, миграциялул служба бусса кIанттай, бачIан тIий бур шагъурдай цалва гъан-маччаминначIа бавцIуми лихъачалтрансса кумаг.

ЛухIи бала

Кавкцири баларду къагъасса кунма, «Новостройрайсса» лихъачалтрал ялун ца бала уттигу бивунни. Хъхъириун бучIан лавгсса кIанай шанма душ ва кIия оьрчI (кIул бан хъусаксса, ацIния цара-ацIния арулла шинавусса) хъхъирил бювкъун бур. Му къюву ккурухIинсса хIалгу, ссавругу миннал нитти-буттахъхъун Заннал дулуннав. Миннан бакъамур оьрму махънан булуннав. Зул оьрчIал рухIругу алжаннул ххари дурну ляхъиннав. Жу зушал зул дард кIидачIлай буру.

Нааьналун бихълай

Чачаннал аьршарая къачагътал жулла республикалийн ххяххаврийн къаршисса собрание хъунни уттигъанну МахIачкъалалив РФ-лул ДР-лийсса ЧчатIул Госинспекциялул управлениялий. Къачагътурал дурсса чапхуншиву гужну дашуй дихълахъисса ихтилатру бунни Идрис Аьзиевлул, Заира Цунтиевал, Зулайхат Шахаевал, Наталья Хадиковал, Чачар Микаиловал ва цайминнал. Вайннал баян бунни, цалва хъинчулий ккаклай бушиву Аьрасатнал ва Дагъусттаннал хIукуматирттал къачагътурайн къаршину ккаклакисса чаранну, барчаллагъ баян бунни Аьрасатнал Армиялул аьралийтурайн. Баян бунни, душман кутIасса чIумуву жулла аьршарая лихъан ансар тIисса умуд бушиву. ДР-лул Госхлебинспекциялул коллективрал хIукму бунни Бушихъуллал райондалиясса лихъачалтран 2 азарда кьуруш, Щуссалакрал райондалул лихъачалтран 3,5 азарда кьуруш дичин.

№ 37 «Илчи», 1999 ш.

Бичибакъашивуриувкъай, ягу...?

нвяннал зумув бур, амма утти Щуссалаккрал хIакъираву, оьванма къачагътурал парсса-пархха бан къабивтесса.

Бачи утти Къизлар ягу Хасавюрт, ягу цамур кIану ласуннигу ялугъланнуча.

Цукунсса книмат бишунтIиссар аьралуннал начальниктурал устталугъран, душманначIа дакъасса авиациягу, артиллериюгу, бронетехникагу ишла дурну, ца-кIива гъантлул дянив Къадардал зоналийсса боевиктурал цIакъшивуртту, цаягу аьскарнал жангу кьурван къадурну, ххит дан къашайсса? Аьркин бакъар къачагътурал фантастикийсса цIакъшивурттая магъри буслан. Ттизаманнул ярагъуннища ласун къашайсса къаларду бакъассар.

Цукунни паракъатну вичIи дишинтIисса учшиврул хъячавайсса генералнал шялмахъиртахгу, ганая аьй лиххан бюкъавхъу хIарачатру буллалисса, гукунувчусса унугу, ганар мазрал къухънасса вама генералнахгу? Аьрасатнаву бакъа, цурда ца цамур паччахIлугърай агъали ишла къабайссар къачагътурансса приманка хIисаврай. ТIайлассар, му къел Африканаву дайссар жанавартрайн авли

букксса чIумал. Амма авчитурал, жула генералтурачIа дакъасса духIиндарай, приманкалун инсантал къабайссарча ишла, гадри байссар.

Циняр телеканаллавухъ гъяр-гъяр тIий бур, жува «циняннал увчIусса» гарант Буйнаккалий хъусса терактрал хIакъираву хъинну сситтулну ур тIий. Барчаллагъ, аьзизсса буттай, паракъат бувунну. Миккува бусарча ччива, аьзизсса паччахIлугърал циван буллалиссарив цила агъалинай вай рахIму бакъасса экспериментру. Рязи хъунавав президент цала цаниян-ца душнил арс хъамалу, укуннасса гражданин хIисаврай, МахIачкъалалив тIайла уккан (Новолаклайн, Хасаврайн ягу лихъачувтурал лагерьдайн, бикIуча, къагъананну). Жулва халкъуннан хъамал ххирархха. Бюхъай му чIумал танан ци-бунугу бувчIин. Бюхъай му чIумал бакIравун буххан, Чачаннаву цийнура цурда низам къахъуншиву, ацIазарахъул тахсир бакъасса инсантурая му политикалул задолжниктал буллангу къабучIишиву.

ПаччахIнал армиялуву генералтал цирича, мюршими хIаписарталгума цайнма цалва бивтун литIайсса бивкIссар ци-бунугу ца цалла яхIлий

ттангъа дурсса иш хъурча. Му аьдат цIу дуккарча, Аьрасат цила ВерховныйнацIагу, шалва генералитетрацIагу хъунссия. Ссан аьркинни кабинетрал генералтуран цайнма цалва битлан, миннал «яхI» буруччин жанну кьурван дуллалисса саллатIу, окопирттавами хIаписарталгу, ополченецталгу бунува?

Ми Москвауллал кабинетирттавусса агъатуран бувчIлай бакъар, ягу бувчIин ччай бакъар, цукунсса мина дихълахъиссарив дагъусттаннал жяматраву, халкъуннахъ ополчениялул дружинартту сакин дан дуллай. Ттул щак бакъар къачагътал ххит бантIишиврийн. Закон дишинтIишиврийн. Амма мунишала архIал яла гъантIиссар дагъусттаннал халкъ цачIун бан савав хъусса къатIувмур фактор, хъхъичIун личинтIиссар гайра цакънирасса социалийсса, миллийсса ва цаймигу, жулла республика цIарцIлай бивкIсса масъалартту. Ми ялунгу ярг хъунтIиссар, цанчирча лирмур дазин, зарал хъуминнан кумаг бан аьркинну бунутIий. Республикари цамур тагъарданий дикIантIиссар, цанчирча ярагъ канихъсса ополчение - му дунутIий хъусса факт. Цанакул ополченияртту кIура даллай дур военизированныйсса

структурардайн, миннуву цIакъ хъанай дур каялушиву, связь. Дакъаву хъуну махъ ми дакъа къахъунтIиссар, Дагъусттаннай бюхъайссар администрациярдал бакIчитурая мива «полевой командиртал» хъун. Щин кIулссар цала власть ядаврил иширттаву, республикалул хъуниминнашалсса хIакъи-хIисавраву, цала регионал масъалартту ххал бигълагъавриву ми закондалул ххуллий къущу тIунссарив ягу гуж ккаккан буланссарив? Щин кIулссар республикалул къатIувгу ми куннай кув шун буллансса гужру къалякъиншиву, Дагъусттан лиян баву мурадрай?

Ттуйра щил аьй дарчангу, ттул щак бакъар жулва бигъа бакъасса оьрмулуву хIакъинусса уздансса ополченияртту-гъунттийсса граждан дъвилулу, республика чачаннайн кIура даяврилгу потенциал душиврийн - МахIачкъалалив шяивкIсса, цичIав бан къашайсса, ссалчIав жаваб дулун къашайсса жула «Масхадовгу» хIасул хъуну, республикагу питланувун дюкбан бюхъайшиврийн.

На аьйкълай ляхъиннавча.


Ислам УЗАЛОВ,
ш. МахIачкъала
№40 «Илчи», 1999 ш.

Дайдиху №30

Ттун дакІний бакъар буттал жуйн, оърчІайн, тачІаввагу Чу лахъ бувну, хІатта жуй ккалли дансса ай хьуну духъурчагума. Ца ЧІумал, нинугу цилва ссичІан Шурагъун ларгун, на навалу буссияв бутташал, уссурвалгу гъинттулсса лагерданий буссия. Ттун дия му ЧІумал 14 шин. Буттал дува куна ттухъ аьнакІул накъ. Ласав аьнакІи, шюшав, байбивхъура дуллаи накъ. Ппу даврия ахтгайнссанниин увкІсса ЧІумал, дуртІуну нара дурсса накъгу, столданий бишав шавхъсса аьнакІигу. Най дуна тІааьн дакъасса кьанкъ риршухъунссия, хІачІан нанисса накъгу тийнай дирхъуну, буттал, гъан бувну цачІанма аьнакІи, кІибувхъунни, гива кьатІ хъунни цимирагу зат – кьама, пюронтру, чартту, ялагу цай-цайми затру. Ххал барча, на аьнакІи шахъан бувтун бивкІун бия вивсса затругу марцІ кьадурнура. Накъгу эькирутІа увкуну буттал, аьнакІигу ЧІахуврал ккаччин була куну. Шурагъату нину занавхъсса ЧІумал, ганихъ увкуну: «Душин дукра дан на-ривкьай лахъхъин дан аьркинсса, инарив?» – куну. Мукунсса кьел дурсса душнихун цаманал биялсса дьави банссия.

ДакІнин багълай бур ца цамур-гу зат. Ттул буссия ттушалава школалый дуклакисса дус Тамара. Га ца бакъа-бакъасса душ бия, лаххайва хІажак, кутІасса юбка, лагайва путевкалий чун-бунугу. Ттул буттан му иш даши бизлай бакъая. Жу ганишал кІюрххил лагайссияв лечин паркравун, занай буссияв спортрал школалыйсса фехтованиялийн. Буттан ччай бия на дуруххаврил-тгисаврил кружокрайн занай. Ттуннив тІурча, дуллан ччан бикІайва оърчІал дуллалимур, яни ттула уссурвалрал дуллалимур, ттулва ссугу бакъану тІий бухъунссия. На буссияв 9-мур классраву. Математикалул учительница Екатерина Сергеевна кьашавай хьуну, махърамахъсса дарсгу дакъахъувкун, Тамаралгу, нагу икьрал дурссия гъан кинорайн. Дуклай буссияв жу жула кьатлукъату арх бакъасса 2-мур школалый. ЧІумуй кІура баенссару тІисса умудрай, нитти-буттагъу цичІав кьаувкунува, жу лавгссияв «Дружба» кинотеатрданувун. Кино тІурча, кІира сериялул лахъишвирийсса ляркьуну, ахтга сьят цаннийнин, яни нава мудан бучІайсса дарсру кьуртал хъусса ЧІумуву, ттуша шаппай бучІан кьавхъуна. БучІайхту, ттул хъунин ххавхъуна уссурвал: «Ина чувъ, вих циняв луглай бурхха!» – тІий. На цила ЧІумуй шаппай кьабувкІун, паракбат акъасса ппу лавгун ия школалыйн. Ганахъгу, туну, бувсун бия на нукІува лавшиву гичча. ОьвтІун бивкІун бия ттушал дуклакисса оьрчІайн, душварайн. На машиналул бишун бувхъунссар тІий, нину, аьтІий, оьвтІий диркІун дия азарханардайн. Лавгун бия ттушаласса Тамарал нитти-буттачІангу, кІул хьуну бия гагу шаппа бакъашиву. На шаппайн бувкІсса ЧІумал нину аьтІун диркІуна. Буттал-лив тІурча, лгъсса, паракъат-сса ЧІуний, цІувхъуна: «Зу чув буссияв?» – куну. На учав: «Кинорайн лавгссияв», – куну. «Ци кино дия га?» – цІувхъуна ялагу буттал. «КІул бакъасса хъамитайпа» тІисса дия», – учав на. «Туну га зун утти ххину ххуйну кІул хъуви, зул ялув жу бувсса бур-

Ппу дакІнин утлай



Бадави Рамазанов

кконттарайхчин», – куну буттал. Ттун нач хьуна ва дакІнин хъинну бьовхъуна буттал ттухунма дьави кьабаву.

Муния махъ хьунабавкьусса ттула дуснал, Абачара ХІусайнаевлул душнил, Шагърагулул суал бувна: «Гьуя, Бэллай, ххуйну кьутІ бувхъунссара ина ппал ва мамал?» – куну. КьутІ ча шуви, вари чинсса байбизавурагу кьархъушиву бувсукун, Шагърагул махІаттал хьуна, хІатта цила ппу Абачарагу, ттулма куна, мукуна хъинссагу, паракъатссагу унува. Му иш хьуну мукъах ппу, на дуклакисса школалыйн увкІун, ца-кІира дарсрай шягуивкІун, яла ттухъ увкуну: «Ттун хъинну ххуй бивзунни 2-мур кьокьлул 3-мур парталух шябивкІсса душ. Ттун ччива ина танишал дусшиву дуллаи. Та бия Аьжа тІисса душ, ялапаргу хъанай буссия амудадашал ва ттатташал. Танил лаххайва лахъисса гьухъри, дарсирдая махъгу бакІрая мурцІу кьаликкайва. ТачІав жу-вух хІалану тяхъашивурттугу дуллан кьабикІайва, кьаьгуртту шайва царагу меропрятгилувух. Танихъ дакъая мукунсса ихтияр, ичІувами диндалухун багъсса бушиврийн бувну. На та бувцуссия ца-кІийла жуннийма, хІарачат бувссия танишал дусшиву ххаракхан дан, мугу хъунмурчІин ппу рязи аншиврул. Амма ттул хІарачат ссайнчІав кьабувккуну, жул дакІурдил арарду личІиличІисса дия. АцІилчинмур классрал итабакъаврил вечер дуллалисса ЧІумал, ппу лавсун увкІуна кІива кІяласса исвагъисса гьухъа: ца – ттун, цагу – бахшиш хІисаврай Аьжан. Пакъир Аьжа му вечерданийн шаппату итавагу кьабавкьуна. Школа кьуртал бувну махъ Аьжашалсса ттул дахІаву сайки духраларгуна. Тамарашаллив тІурча, жу оьрмулухунсса дустал хъуссияв. Га бия ттун ссин

цува дуклакисса 2-мур школалул хІаятравах чІа дуллаи ивкІун ия. Школалул директор Тамара Тимуровнал оьвкуну, учІан увну ия ппу школалыйн, циванни, цукунни тІисса суалданухъхъунсса жаваб тІалав даншиврул. «Ина цан дав му кьел?» – куну бия буттал гиккува Ажувлухъ. «Мяммай, Сталинния ххуйсса ур», – куну бивкІун бур уссил. «Вин ци кІулли га ххуйссарив, оьккиссарив?» ку-сса суалданунгу жаваб дуллуну дур укун: «Мяммай, ганал суратния вил столданий дур, га оьккисса ивкІссания, ина сурат вичІара кьаритантІиссия», – куну. Гьай-гьай, ихтилатту микку яла кутІа бан багъну бур. Амма мунил хавар цукуннив бивну бур, бавну бур Чичултрал союзрайн. Миккугу буттал чулий бавцІусса лайкьсса ихтилат бувну бия Тамара Тимуровнал, бувчІин бувну бия ми чІапІив, буттангу цичІав хавар бакъа, чивисса оьрчІал дурсса давуну диркІшиву. Шиккува учин, хІакъинусса кьинигу имам Шамиллул ва Сталиннул портретру дуссар буттал кабинетраву.

Жун цинявннан ппу ххира-ссса икІайва. Даврия шавайн увкІукун, кьатлуву иминшиву ххишала шайва: жу мудангу ганахун бахъачинмур буллаи бикІайссияв, цанбакъарча даврия увкІун махъгу, цалла чич-



Киях Б.Рамазанов ва Х. Авшалумов

кІанттай, нагу буссияв ганин мукунмассану.

Ца ЧІумал, Цусса шин хьуна-дакълакьисса шябикІаврий, цалва кьурттарахун буттал увкуну укусса махъру: «Хъинсса инсантуран хъинмур хъуннав, оьсса инсантуран хъинсса хъун дакІнин багъаннав!» – куну. Нарив тІурча, муницІун кьабавкьуну, увкуссия: «Оьминнан оьмур хъуннав!» – куну. Микку, хъянгу ивкІун, буттал ххи бувна: «Юх, ттул душ, оьминнан хъинсса хъун дакІнин багъарча, хъинминнан хъиннува ххуйну бикІантІиссар!». Муния тийнмай ттул дус Тамаран му тост хьуна яла ххирамур тостну. Гьарца Цусса шин хьунадакъайтари, ми махъру мунил тикралгу байсар. Дусшиврул кьадру бан ва му дуруччингу ттун буттацІа лавхъуна.

ДакІнин кьабувтун кьабитан кьахъунссар уссу Ажув сававну ппу партиялува уккан авай ливчІсса куцгу. Му дия, Сталиннул цагу дащуй дирхъуну, муна дурсса гьайкалугума лекъан дуллалисса ЧІун. Ттул уссил, «Даздравствует Сталин» тІисса чич-рулушалсса ЧІапІивгу дурну, гай

рурду дуллаи, машиналий кьутІа тІий икІайва. Буттал «Гьарун Саздов» тІисса пьеса чивчусса ЧІумал, га сценалий бишиншиврул, Москвалия увкІун ия режиссер-постановщик, Александр Тургенев тІисса. Буттал ганайн оьвкуну бия хъамалу. Ниттил жуй кьадагъа дирхъуна, тивавай зула кьатлува лагъну, паракъатну бикІияра куну. Жугу хъамаличу гъаннин кьабувкьиссияв кьатлува кьатІув. Бутташал цалла давриясса гьалмахтал, чичулт бувкІсса ЧІумалгу жу, оьрчІру, цанна-цанна ччисса даврихун машул хьуну бикІайссияв: на – лу ккалай, Ажув ва Аьли – шашкардай буклай, Аскер – пластелиндалия ва синааьршарая мюрши инсантал буллаи. Жул кулпатравух хІаласса Фазу Аьлиева бикІайссия Аскердуяту хъунасса скульптор хъунссар тІий, муксса итталусса дикІайва ганал дурсса затру. Буттал гай гьирарай ккаккан дуллангу икІайссия хъамаллурани. Ца кьини, мукуна гава режиссер Тургенев шамилчиннив, мукьилчиннив жуннийна увкІсса ЧІумал, дахъа школалыйа бувкІсса жу, оьрчІру, ххал хьуну,

ганал цІувхъуна буттагъ: «Бадави, это все твои дети?» – куну. Жу циняв ца нитти-буттал бушиву бавукун, ганал махІатталну увкуну: «А где они раньше были, когда я приходил?» – куну. Жу жула оьрчІал кьатлуву бивкІшиву бувсукун, ганал хъиннува махІаттал хъусса ЧІуний ххи бувна: «Как вы смогли воспитать таких послушных и прекрасных детей?» – куну.

А. Тургенев лапва утта увкуну, оьрчІал кьатлувун увхсса ЧІумал, гивусса личІи-личІисса рухІирдал мурцІу ххал хъувкун. Дакъасса дакъассия гиву: чІелмулт, тутукьушуру, акварил-умравусса чавахъру, пюрундалул банкалувусса кьулччакІулли, уссил синааьршарая дурсса фигуркарду. Буттангу хъинну ххира-ссия жул «устаршиврул мурцІу». Яла-яла ганан ххирая хъахъи чІелму (канарейка), ххирая ганил балайрдах вичІи дишин.

Жу зунттава МахІачкъалалийн бувкІсса ЧІумал, буттал машан ларсуна дуллаи кьуртал кьадурсса кьатри, хъхьирил зуманичІасса. Жу бивзссияв гивун. Кьатри ччяни чулийн дуккан даншиврул жул нину дулукъайва устартуран кумаг буллаи. Ца ппурттуву, цилла дурну ппягу, хІала дурххуна чІиртту бушлаи, цила пикрилий, ппу рязи аншиврул. Ялун увкІсса буттал ххиришиву ча давича, гукун кІусса даву дуллаи цалла шарсса ляркьаврих хъинну рязи акъа урувгуна. Амма нину зузисса цукунчІав дацІан дан кьашайва. Ниттин ччай бия гай анаварну кьуртал хьуну, буттан паракъатну шяикІансса, чичлансса кІану, шартІру хьуну. Ахиргу, цийва рахІму кьабуллалисса нину чІалай, кьазий дацІан дан хъанай бакъахъувкун, буттал, дарххуну гай кьатригу, бизан хІукму бувна квартиралыйн.

Буттан хъинну ххирая нину Бова мудан ганил цимилийгу икІайва. Ххира кьахъунссагу дакъая жул нину: дакІ хъинсса, тяхъасса, чумартсса, личІуллсса. Гания чани бивзун бачайва. Фазу Аьлиевал учайссия: «Лучезарная Кистаман!» – куну. Учайва балай, дизайва кьавтІун, дуруххайва, шашайва ххаллину янна.

Ттунгъаншиврушал ва дакІ кІукІушиврушал архІал ганиву дия хъуннасса чувшивугу, сивавугу.

ДакІний бур, чичултрал кьатравун бизлазисса ЧІумал, ЧІаххуврайсса хъами хъовсул дурккуна. «Зу аьтІий циван тІайла буклай буру на, цамур кІанттайн бизарчагу, жулла дусшиву дякъаличІантІиссар!» – тІий дия нину. Хъинну гъансса хІалагьурттушиву дия Сулайман Рабадановлул, Фазу Аьлиевал, Рашид Рашидовлул кулпатиртташал. Лапра цакъсса хІалашиву тІурча, дия Абачара ХІусайнаевлул кьатта-кьушлишал. Ттул буттал ва Абачарал дянивсса дусшиврул дайдахиву хьуну дия ччянира – буттауссу Абачара ЧІяв школалул директорну зий ивкІсса ЧІумалла. Ттул пикрилий, дусшиву хъиннура цакъгу, ххуйгу шай, му буттагъаяту ирсрай оьрчІалгу кьамул дурсса ЧІумал. Ттул яла хъхьичІунмур дусну буссия, ттигу буссар, Абачарал душ Шагърагул, мунилгу, ттулгу яла аькьлу бумур маслихатчину бикІайссия Шагърагулул хъунмур ссу Качар. Дусшиву дуруччингу, ялангу жун лавхъуна жула нитти-буттацІа.



Лакрал халкъуннал учаларттава

Арцу ккарккун иман ду-
клай ур.

Арцу ялун наниссаксса ада-
мина мяш шайссар.

Арулва ниц бумагу нурхъ-
луйн лаялий иайссар.

Бивкгу буччингу, уттава
хъун бангур арцу ядайсса.

Бурхлайх къабулайсса ххуллу
лякълуйх булун багъсса чуннугу
диклайссар.

Биривну бунува къаз бит-
лай ур.

Бивцунал – бя, къуркъунал
– тIама.

Бигъа буки, ккаши буки.

Бартбису бувтма бартби-
сулийри цягуиклайсса.

Барт бавхIунал ттигу
ттирихлайссар.

Буттал хъус – хъус дакъар.
Хъус инара ляркъумурди.

Ва дуниял цанна къагъа-
ну ур.

Ва дуниял вила хъирив къа-
дацирчан, инава дуниялдул хъи-
рив ачу.

Вила инава, мукъурттий-
ну чIалачIи маарача, даврийну
чIалачIи ува.

Вайннал чапурну бивкIусса
ттуккугу гъагъти бансар.

Вил хъусличIа, апараг,
ттул къинигу дикIуча.

Виннив ци бур: къатта
ШутIуй, цар дур бакIуй.

Гужрай лахIан дурмур гъагъ-
айссар, гъаргъмур цIу къала-
гайссар.

Гивудул кIушиву ттукку-
ни кIулсса.



«Илчи» – маслихIатчи КIиришивруцIунсса маслихIатру

Гъи – му чIивисса, амма чIярусса ххуйшивурттал бувцIусса оь-
рмур. Ва бутангу аьркинссар хIайп къатIунну. Царагу къи-
ни мюнпат бакъа къарутаншиврул дан-диганмунил хIисав-ккал
дурну хъинссар. Цанчирча жулла цIуллу-сагъшиврун (чурххан-
гу, дакIинингу) яла хайр буми, яла хъинми затру ххишалану дуван
бюхъайну тIий гъинттул. ЧIярусса арцу, хъуннасса чIун дакъану-
гу, шайссар, ччан бикIарчан, дахIалай чинну бигъалаган.

кIанай, хIачIира марцIсса щинал-
ми исттиканну.

Буччин бувара чурх жулла
кIанттурдай ххярхмунил вита-
миннал.

Гъинтнил ливчIсса гъантрай
шаллуну неъмат ласира жунна
мяш дакъа тIабиабтрал дуллуму-
ния: гъавалия, бургъия, щиная,
щюллишиврия. Цуппагу уквa.

ЖучIава бур ччарча зунттур-
ду, ччарча хъхъири, ччарча не-
хру. Архну къанай, вайннуцIух
бигъалаганшиврул чIярусса арцу
ягу хъуннасса чIун къааьркинних-
ха. Аьркинссар бикIан так гъи-
ра, шавкъ.

ЧунчIав буккан къавхъунигу,
ларзулун ягу дарвазалухун бувк-
кун, тамаша бувара ххяххабур-
гъий ва лагабургъий. ЛачIлачIисса
гъарай. Хъхъувай – зуруй ва
цIурттай.

ДакIний битира ххаришиву
ва талихI жулла лагма-ялттусса
мюрш-къюршсса затирттавугу
лякъин бюхъайшиву.

**ХIадур бувссар
Бадрижамал АБЛИЕВАЛ**

Украсса ххуйшивуртту ва ххаришивуртту

Дайдихъу №30

Гъинттул, гъилишивугу дус-
са, къинигу лахъисса, чурхгу
кIинттулнияр тазасса чIумал, би-
гъассар жулва оьрму ххуй бав-
рил, цIуллу-сагъшиву цIакъ дав-
рил ххуллийсса шаттирду ласлан.
Мунияту шайссаксса мюнпатну
ишла бувара яла гъилишиврул ва
чаннал дурцIумур чIумуя ливчIсса
гъантри. Аьдат – ва, жуятура
чIярусса чIунгу, гужгу харж къав-
хъуну, жура гъарца къини дулла-
лимурди, цилгу ччяни-чIалну цин
лархъхъусса хъинсса хIасиллайн,
хъхъичIуннайшивурттайн буцай-
са. Ва гъинттул дайдихъу дувара
зулла дакIгу, чурхгу хъинмунийн
аьдат буллалаврли. Заралми, зи-
янми аьдату мархлуцакул дух-
лаган данмур бувара.



Гъинтнил гъарцагу къини зул-
ла оьрмулуцIун ци-дунугу цIусса
дахханашин хъун данмур буллала.
Цамур бакъахъурчан, зува мудан
хIачIлай аьдатравун дагъсса ко-
фелун кIанай хIачIира суврарал
чIапIигу бувтсса чъий. Кувннил
хъирив кув хIачIлачIисса чъийлун

ДакIний битира ххаришиву
ва талихI жулла лагма-ялттусса
мюрш-къюршсса затирттавугу
лякъин бюхъайшиву.

**ХIадур бувссар
Аминат АХИМАДОВАЛ**

Цалчинмур классравун нанисса оьрчIансса пособие

Цалчинмур классравун на-
нисса оьрчIан (чIявусса
оьрчIру бусса, ахIвал кIюласса
ягу 1 къушлива цал архIал 2-3
оьрчI цалчинмур классравун
нанисса кулпатирттан) багъла-
гъиссар шинай цал булайсса по-
собие – 2555 къуруш.

АхIвал кIюлассанун ккал-
лиссар, дянивну хIисав бувну,
къатлувун нанисса харж 1 инсан-

нан – 14062 къурушраяр ххиша-
лану дакъасса кулпатру.

Аьркинсса документру:
– нитти-буттал паспортру;
– ташулул чагъар ягу ппу
ушиву тасттикъ буллалисса чагъ-
ар;


– захIматрал книжкалул ко-
пия, давриясса махъсса 3 зуруйис-
са харжлугърал справка;
– цалчинмур классравун къа-

мул увшийрул справка;
– кулпатраву цими инсан
уссарив тасттикъ буллалисса
справка;
– банкрал реквизитру.


Заявление булун бюхъай-
ссар 2024-ку шинал июльданул
1-нния декабрьданул 1-нин.

**ХIадур бувссар
Аминат АХИМАДОВАЛ**

МАХIАЧКЪАЛА



Гъавалул тагъар



ГЪУМУЧИ



Газета «Илчи» (Вестник)

Учредитель:
Агентство информации и печати
Республики Дагестан
Издатель:
ГБУ РД «Этномедиахолдинг
«Дагестан»

Хъунама редактор:
Къардашов Р. Аь.

Хъунама редакторнал хъиривма:
Башаев Р.М.

Жаваб дулайсса секретарь:
Исмяилова С.Р.

Редколлегия:
Адамов АбдурахIман
МахIаммадович
Абдуллаев Сапарбаг Аьлиевич
Аьлиев ХIажи Сулайманович
Исрапилов Артур Анварович
КъурбанмахIаммадов Чанкура Рама-
занович
Маммаев Сулайман
Нураттинович
МахIаммадов Юсуп ХIамидович
Хапалаев Аслан Юсупович
Хасаева Гульшан Рамазановна
ХIажимирзаев Зиябуттин
Абусупиянович
Шалласуев Шалласу Рамазанович
Эльдарова Роза ХIажиевна

Отделлал редакторгал:
Абдуллаева А. П.
Аьдилов ХI. А.
Рамазанова П. ХI.
Тахакъаева З. К.

Корреспондентгал:
АбдурахIманова З. Т.
Аьлиева Б. Д.
Саидова И. А.

Корректор:
АхIмадова А.И.

Кказитрал компьютерданул цех:
Абакарова К. Н.
ХIажиева З. У.

Кказитрай дурксса макъаларттава
кицI лавгмур тIайлашиврул жаваб
дулайссар чивчуманал.
Редакция макъалалул залуннал пикри-
лий рязину бакъахъурчагу, макъала
рищайссар, жяматрал цаламур пикри
бусанссар тIисса ниятрай. Кказитрайн
дуркIсса макъаларттайн рецензия къа-
чичайссар ва ми залунахъхъун зана
къадайссар.

Кказит буккайссар ножмардий цал.
Шинай итабакъайссар 52 номер.

Кказитрал индекс. П7046
Тираж – 2000 экз.

Адрес редакции и издателя:
367018, г. Махачкала,
пр-т Насрутдинова, 1а
e-mail: ilchi@etnomediadag.ru
http://ilchi.info
Тел./факс. 66-00-59

Газета «Илчи» зарегистрирована
Управлением Федеральной службы
по надзору в сфере связи, инфор-
мационных технологий и массовых
коммуникаций по РД.
Per. ПИ № ТУ 05-00424
от 30.04.2019

Газета «Илчи» отпечатана
в типографии ООО «Издательство
«Лотос».
367018, РД г. Махачкала,
Пр-т Насрутдинова, 1а
Срок подписания в печать 19.00.
Подписано 19.00.

Цена свободная



4 651116 280051